

當塗縣志卷之三十二

五言絕句

梁

陶弘景詔問山中何所有賦詩以答

山中何所有
嶺上多白雲

只可自怡悅
不堪持贈君

吳均慈姥磯上竹


根為石所蟠枝為風所碎
賴我有貞心終凌細草葦

唐

李白九日龍山飲

九日龍山飲黃花笑逐臣
醉看風落帽舞愛月留人

宋



郭祥正青山村

遠近皆僧利西村八九家得魚尋

柯芝橫江

橫江一片碧携鶴上漁船收綸不成下却抱釣竿眠

明

湯賓尹望夫山

妾心堪化石石意更堅貞又江中待得夫歸日還應石化人水日

流江上石常在石應又君若有情時認取舊時婦

有泐時妾心終不改又君若有情時認取舊時婦

又望夫夫不歸夫歸悔何及

又望夫夫不歸夫歸悔何及

章嘉禎舟發采石

蚤發采石磯瀨草含霜色猶見山樹巔團團江月白

紀元凱聯壁臺

蛾眉峭孤絕遊子狂不歇不見謫仙人空江自明月

曹履吉藏雲山房

有壑能藏寺看峯俱入樓雲邊雙嶼起天際大江流

孫寅姑孰溪

晌午猶餘暑更深恰暮秋寒暄時倏易溪水日東流

國朝

薛柱斗太白樓

太白樓頭月燃犀亭畔風千秋人共賞一覽意無窮

張惣登采石

歷亂嶺雲寒盡是蒼松樹當日客經過不知坐何處

七言絕句

唐

李白望天門山

天門中斷楚江開碧水東流至北迴兩岸青山相對出孤帆一片日

邊來

白居易望夫磯

終日望夫夫不歸化為枯石表相思望來已是幾千歲無異當時初

望時

杜牧題橫江館

孫家兄弟昔龍驤馳騁功名帝業王至此江山誰是主苔磯空屬釣

魚郎

許渾謝氏山亭

勞歌一曲解行舟紅葉青山水急流日暮酒醒人已遠滿天風雨下

西樓

趙嘏青山館

鳧鷖聲煖野塘春鞍馬風高驛路塵一宿青山又須去古來難得是閒人

胡曾牛渚

溫嶠南歸輟棹辰燃犀牛渚照通津誰知萬丈洪流下更有朱衣耀馬人

宋

王安石九井山

沿崖步澗三十里高下犖确無人耕捫蘿挽葛到巖址仰見吹瀉何

嶢崢

蘓軾慈湖夾阻風

此生歸路愈茫然無數青山水泊天猶有小舟來賣餅喜聞墟

落在又且並水村

臥看落月橫千丈喚起清風得半帆欹側過人間何處不巉巖

黃庭堅太平州作

歐靚腰枝柳一渦小梅催柏大梅歌舞餘片片梨花雨奈此當

塗風月何

米芾姑孰溪

下與照澗數星星一世還如隔世經不見山東李十二青山春色只青青

沈括姑孰溪

豹堂春水綠泱泱謝市雲深柳線長睡熟不知湖信過船頭晚雨打菰蔣

又

新晴渡口百花香石子池頭鴨弄黃捲幔夕陽留不住好風將雨過梅塘

蛾眉亭

雙峯秀出兩眉彎翠黛依然鑑影間終日含顰綠底事祇應長對望夫山

楊萬里楊家渡

春跡無痕可得尋不將詩眼看春心鶯邊楊柳溪邊草一日青來一

深日

廣濟圩

圩田歲歲止逢秋圩戶家家不識愁夾路垂楊一千里風流國是太平州

郭祥正姑孰堂

誰謂江南地福小姑孰之堂天下少丹湖千里浸城東蒲葦藏烟春

渺渺

望夫山

帆去帆來人不識歲歲年年望無極夕陽欲盡洲渚昏猶見天門一雙碧

游醉青山海棠

絳唇皓齒發春陰野徑翻成錦繡林端為霧中看未了少陵當日豈

無又

羣仙麗服戲朝雲雨過啼妝泣暮春野客強吟無好句直須分付謫仙人

郭奎四望亭

四望亭前姑孰溪道人種木住山西古松數株秋滿屋野鳥月明時一啼

晁補之太白墓

客星一照太微旁談笑青蠅玉失光載酒五湖狂到死只今天地不

能藏

元

吳澄丁蘭廟

昔年曾拜此祠前歸侍慈親二十年今日重來哀罔極西風老淚濕征船

徐俯慈姥望夫二磯

慈姥磯頭秋雨聲望夫山下暮潮生離鸞只說閨中恨舐

犢誰知目下情

大信河

南人北人朝暮船東梁西梁但如舊風景依然歲月遷碌碌馳驅空白首

薩都刺梁山港

題詩蘆葉雨斑斑底事詩人不耐閑滿日荷花開欲遍客程五月過

梁山

渡揚子江

落葉正飛揚子渡行人又上廣陵船過江載得秋多少老鴈一聲霜滿天

明

楊士奇謫仙樓

謫仙祠下杏花殘歸客孤舟倚暮寒相好相思不相見滿江風雨夜

漫漫

解縉古唐寺

古唐姑孰小江邊一路芭蕉綠更妍破衲老僧餘九十細談太祖渡江年

王世貞橫江

越女紅妝隱畫橈驚波無際雪山搖貪趨破鏡西陵約不怕江風八月潮

又

錦纜牙檣翡翠舫長言催趁午時潮江頭楊柳深相恨折損春風幾萬條

宗臣謫仙樓

楚水秋風薜荔高干帆明月大江濤蛾眉亭下芙蓉色猶似當年宮錦袍

又

采石磯頭坐白雲歸來瑤草亂紛紛夜深吹笛江亭上明月窺人恐是君

李觀景山

石磴崎嶇一徑通洞門常是白雲封陳羅仙子知何在惟有青山不改容

謝玉丹湖楊柳

水漲平湖雨後天沿堤楊柳帶朝烟濃陰匝地鶯聲細絕勝章臺近

灞川

湯顯祖采石山

夕陽千里弄舟還一片秋聲兩岸山醉着錦袍如夢杳月明何限水

雲間

李春熙太白墓

流離客死夜郎還天地無家鬢已斑卜宅有心同謝朓荒墳千古傍

青山

楊觀石壁垂松

嶙峋削壁勢摩空迸出擎雲百尺松只恐春雷震巖壑便成鱗甲化

蒼龍

林廷模姑孰溪

太平溪上客舟過坐聽滄浪醉裡歌無數落花隨水去前山風雨夜

來多

唐公靖青山懷古

一片巉巖列翠屏湖光萬頃入青冥宣城內史歸何處猶賸蒼

烟護客星

俞中希彞觀

萬籟沉沉樹影寒先天閱罷正幽閒只消鼾睡深山裏莫遣虛名落世間

陳裕瑞竹堂

昔年奉使此經過老衲相迎雅意多今日重來人不見白雲黃葉滿山坡

潘謐謫仙樓

天寶年來事可知忍看宮掖集臬鴟不如浪醉三千盞夢到開元全盛時

又

青山有塚名浪傳中酒仙鄉正熟眠萬古能消幾回醉人生何用獨醒然

楊芝瑞梁山晚眺

怪石巉巖矗兩峯青天削出玉芙蓉登臨一嘯浮雲淨竹杖凌

風欲化龍

端揆蛾眉亭

添花煩惱惹花羞一曲清平宮怨收最是夜郎漂泊後蛾眉雙鎖為君愁

楊深普潤寺

碧天如水月如冰梵宇寥寥三四僧獨坐夜深無一語半窻黃葉下秋燈

李裕天門山

巨靈劈破碧崔巍中瀉洪流去不回獨有天光與山色時時隨雨下江來

閨秀端淑卿秋夕泊丹湖

秋水茫茫帶白蘋漁舟蟹網集湖濱長空入暮

烟雲起只聽歌聲不見人

國朝

戴重陶隱居丹井

空山風雨變陰晴井竈猶傳宰相名聞說丹成堪辟穀可曾一

粒餉臺城

袁藩遊白紵山 古殿山阿薜荔清桓公歌吹此留名松濤萬壑因風起絕勝當年白

紵聲

周曰都南庫庵 竹林石逕小橋通薜荔經霜滿樹紅古寺蒼崖苔繡佛老僧間坐白

雲中

李天爵采石磯飲常開平戰處 牛渚磯頭百尺高偶携尊酒酌江臯

鄂公英氣今猶在時起雄風捲怒濤

周立勲采石 江花寂寂照行舟牛渚風生萬壑秋滿眼浮雲不可論遊人自上謫仙樓

黃周星凌歊臺懷古 一代豪華夢已殘當年歌舞幾鳴鑿莫言片石無光彩直

作千門又若教頑石能言語便與從頭話六朝萬戶看

祝元斂黃池舟夜 樓船落日碧溪邊坡上牛羊隴上田清夢初回天欲曉一村山

月萬家烟

成文運望夫山 一去天涯冷繡帷妾從江上立斜暉無端化作青青石歷盡風霜未

肯歸

張子顏同邑合黃適來遊謝公池 長松摩烟傲寒色森竹戛玉鳴

高枝一池淺碧動天影空憶餘霞散綺時

陳調鼎燃犀亭 幻水潺湲入照清孤亭遙接一江平於今隱怪知多少疇取靈光澈

海城

陳炳姑孰溪 姑溪溪下晚潮生樹際高樓水際城日落浣紗人去後飄零漁笛兩三聲

凌歊臺

安得東遊宋祖來寢園行殿盡成灰野花不
肯人煩惱領畧春風歲歲開

五言律

唐

李白謝公亭

謝公離別處風景每生愁客散青天
月山空碧水流池花春映日窻竹夜

鳴秋今古一相
接長歌懷舊遊

孟浩然夜泊牛渚

星羅牛渚夕風退鷁舟遲浦淑
常同宿煙波忽間之棹歌空裏

失船火望中疑明發
泛滄海茫茫何處期

崔塗牛渚懷古

烟老石磯平袁郎夜泛情數吟人
不遇千古月空明人事年年別春

潮日日生無因逢
謝尚風物自淒清

許棠題青山館

境槩殊諸處依然是謝家遺文齊
日月舊井照煙霞水隔平蕪遠山

橫度鳥斜無人能
此隱來往漫興嗟

凌歊臺

平蕪望已極况復倚凌歊江截吳山斷天
臨楚澤遙雲帆高出樹水市迥分橋久立

斜陽盡無
言似寂寥

劉禹錫泊牛渚

蘆葦晚風起秋江鱗甲生殘霞忽
改色遠鴈有餘聲戍鼓音響絕漁

家燈火明無人能
詠史獨自月中行

許渾題青山館

昔人詩酒地芳草思王孫白水平
塘岸青山橫郭門懸崖碑已折盤

石井猶存無處繼
行樂野花空一樽

途經李翰林墓

氣逸何人識才高舉世疑
善賦陶令醉能詩碧水鱸魚思青

山鵬鳥悲至今孤
塚在荆棘楚江湄

韋莊過當塗縣

客過當塗縣停車訪舊遊謝公山
有聖李白酒無樓采石花空發烏

江水自流夕陽誰
共感寒鷺立汀洲

項斯李太白墓

夜郎歸未老醉死此江邊葬闕官
家禮詩殘樂府篇遊魂應到蜀小

碣豈旌賢身歿猶
何罪遺墳野火然

宋

梅堯臣廣濟寺

船從山下過直上見僧軒繫纜當
磯石緣崖到寺門短籬遮竹澆危

路踏松根却看滄
江底帆歸烟外昏

陳師道望夫山

積戍人何在秋霜志不移無言息
媯怨有淚舜娥悲山靜雲盤髻江

空月映眉誰將望
遠意歌作送征詩

郭祥正廣福禪寺

寺與人寰隔西軒更遠瞻雲煙
生卷箔星斗半垂簷山對眉雙

碧江空鏡一奩旅魂
招不盡愁向酒中添

陸遊晚泊慈姥磯

山斷峭崖立江空翠靄生漫多
來往客不盡古今情月碎知流

急風高覺笛清兒曹
笑老子不睡待潮平

方岳當塗道中

一似餘杭路寒洲半是蘆客依秋
泊岸漁帶晚收鼠遠樹齊如薺平

蕪雜似鳧最憐沙
上月相見又當塗

郭奎無相寺

尚書塘上寺寶樹雨花多說法龍會
聽談經鹿更過燈影懸晴塔香烟散

曉坡空門真樂
國浮世欲如何

元

程鉅夫天門山萬里瀟漫地天門據要衝乾坤大

年只二峯舟人亦癡絕遙認兩眉濃

貢奎憇龍山山轉疑無地人家近隔村野田秋穫

到門偶尋高士盛岡路晚行喧川淨雲生石溪平水

薩都刺宿采石驛客路青山外鄉心落照邊煥烟

笛江帆何處船蛾眉浮野樹涼雨過淮天水調誰家

亭上月今夜照孤眠余闕蛾眉亭送王得常御史赴南臺

掃黛偏能巧含顰知為誰娟娟微雨裏望望似修眉

明

高啟過采石山暝斷磯頭猿聲兩岸愁柳間娼女

醉遊停橈正懷酒月下估人舟擒虎嗟橫渡騎鯨憶

古風急蓼花秋楊基晚登蛾眉亭

隔簾疑暮雨來短歌亭子憑虛好登臨似鏡臺江從

聊共寫深愧謫仙才萬里至山作兩眉開濃愛秋烟

周忱丹陽湖遠岸迥楊柳中洲長芰荷固城通脉

白波旬宣踰十近宛水匯流多馴象依青草驚魚起

載幾度片帆過王守仁謫仙樓

景謫仙樓安得騎攬衣登采石明月滿磯頭天礙烏

黃鶴隨公入極遊

卷之三十一

藝文

章嘉禎早秋過采石慈湖

江南極北地夏盡及秋時驛樹金陵道天門水

戰旗沙平朝露白野潤夕陽遲坐石絺衣挂青天月半規

梅鼎祚月夜渡采石

天豁大江流乘宵繫檝遊濤聲喧萬馬石影動雙虬疊鼓

疎星曉長歌片月秋余將問海若指點一浮漚

采石弔李供奉

念君不得意漂泊在宣州雄賦千人失荒祠百代留西風薦蘋藻零

露濕松楸今古長遊地寒江日夜流

周瑛姑孰道中

采石孤帆落青山一騎歸朔風吹短髮疎雨濕征衣野火魚歸市林

鐘衲掩扉可憐江上雁入夜更南飛

王思任丹陽湖

一片迷天水翻成倒海霞客帆移扇影漁網曬袈裟蓮醉三秋社蘆

愁薄暮笳稻梁何日厭慚愧野人家

林枝橋泊謫仙樓

仙豈燒丹覓名疑供奉垂行藏詩卷在心事酒杯知樓迥江仍

抱亭虛月不遲江東行蹟遍千載有餘思

曹履吉青山道中

野盡忽幽躡翠圍已數重到來知有壑於此耐多松落澗沾懸

畝歸樵倚半峯家山看絕似恍與故人逢

楊洪龍山

龍山插晴昊秋色染芙蓉疊嶂丹青裏奇峯紫翠重更無人落帽時有客扶筇

撫景歸來晚楓林帶醉容

吳士琇采石

尋山穿石罅放艇亂江流匹練磯前織脩蛾天際浮帆輕三峽水楓落九

嶷秋直北平蕪望風烟起夕愁

端汝洋謝公池

百尺拔崖險籃輿小徑偏鶯花籠曉霧絲柳織寒烟疊石崑為屋耕

雲嶺作田不須遊五嶽此地足逃禪

端揆蛾眉亭

孤亭危絕處吹萬盡秋聲遠水吞殘照幽崖卧老鱗人如天上坐舟在畫

中行慨想青蓮去年年空月明

楊成喬雷峯

選勝躋層巔登高興灑然亂峯橫夕照一水帶春田客有煙霞癖人多稽

阮賢飛觴徵麗曲共醉欲忘還

孫旭葛陽山

不待歌叢桂青山隱自招遊踪甘鹿豕生計狎漁樵林響秋飛葉河平晚

上潮于于疎散癖永矢遠煩囂

吳國倫謫仙樓

何處燃犀浦飄飄采石東春蕓依渚亂午浪觸山空指點虛陳迹登

臨自古風猶憐宮錦汎不與布衣同

許學裔姑孰溪

野曠殘雲斷天長積水昏蘭舟芳草渡茅屋杏花村燕語知春社鶯

啼憶故園遙憐江上侶夜雨待傾尊

鍾嘉生登橫山

為攬名山勝披襟特地過霜侵楓落錦泉溜石鳴珂寺古仙留跡峯

高雲掛蘿悠然長嘯處渾欲爛樵柯

劉覽元泛舟丹湖

一望清無際遙山接水隈息還輕似棹湖溢滿如杯濃淡詩情

在陰晴世事猜花風吹欲冷繫纜更徘徊

劉鎬凌雲山

凌家山下路石磴倚雲鋪雉堞連天塹虹橋鎖帝圖帆遙烟樹暝塔矗斗

星孤欲共陳羅語秀風散苾芻

閨秀端淑卿丹湖渺渺丹陽水中流命小航波濤
翻日月蘆荻捲風霜木落千林
靜山橫一黛長自憐
當歲晚猶困水雲鄉

國朝

方拱乾月泊梁山雪後月如浴到江光欲爭一舟
牽石影半夜落潮聲眼入天何

極坐來僧更清蓬窻
無丈地亦復踏歌行

陰德顯舟中望謝公山望望青山近層嵐映日暉
烟從林杪出鳥傍水邊飛

隔岬成漁市中流問釣磯
臨風空憶謝月色上秋衣

戴重謁虞雍公祠仰首虞公廟浮鷗聚水涯門空
奔牧馬瓦墜絡寒花風雨舟難

繫衣冠樹却遮安危
宋社稷籌策此江沙

鍾鼎同寮友泛姑溪如溪千尺水縈溯大江通估
客停風纜居人掛釣簫遠山

蒼翠合隔岬蓼花紅此
日同高詠依稀在剡中

端茂杰姑溪小閣欹危岸環隄柳欲羣鶯啼千樹
影人卧一溪雲看劍星芒濕停杯月

色分輞川圖畫
絕此地共清芬

劉謙吉遊姑溪攬勝始溪路直同谷口田露垂禾
而足夜入枯棹懸江鳥隨耕犢河

魚落釣船停橈南
興極辦得買山錢

張琪楚山避暑老桓留白紵高嶺出寒泉雨過添
新水山深見別天將軍空飲馬佛

子罷叅禪如練江
光淨歸鴉隔暮烟

劉之紆墀塘庵日落僧歸寺雲深鳥護巢暗泉通
殿角清梵出林梢脫栗初開鏹寒

梨未放苞前山秋色近猶隔兩三均

薛必顯龍泉山寺

地僻疑無暑深林忽度鐘徑環

補巖遮日不容香臺人寂寂空響落長松

袁藩采石懷古

江干尋勝地采石出雲根浪蹴蛟

色戀詩魂異代人何處因風感慨存

楊霖踏荒

不畏炎蒸酷單騎履畝行田多枯槁色野有怨咨聲但苦苗空秀那堪賦急徵

我來何所慰父老各言情

張惣神霄宮謁太白暮雲亭

何代珠宮建空亭額暮雲衣冠猶漢制邱

隴入樵羣人憶江東句天垂斗北文巋然遺像在香火孰殷勤

李澄中登雷峯烟雨湖山亭

俯郭宜登眺湖烟遠近中山憐謝公秀天

接楚江雄野寺梯懸磴疎松韻細風孤亭飛鳥外絕頂與雲通

祝元敏景峯亭卽事

路白清峯上人烟四望通麥平千畝浪雲淨一江風塔影

朝曦外漁歌暮梵中安能携濁酒日日伴山翁

遊藏雲寺少尹蔣潏招飲同侯碩膚

行行幽澗曲蘭若碧峯開

看鳥入雲去盤谿到竹來惺心隰松濯露擁翠罅雨餘苔知己濠梁共寧辭盡醉杯

姑溪蚤發

芳郊春事繁春日向田園鷺鴨溪頭路牛羊草際村山開雲拭翠花淨露迎暄

野外閒人少獨僧出石門

官圩道中

微官暇日少奉檄又田家風岸牽牽急霜林漠漠斜劔孤依夢穩歌短信塗賒

美爾垂綸叟
烟波倚釣槎

李天爵遊謝公池次韻
携得驚人句
青山縱一遊
高閒傾地主
風雅集名流

池草當年綠
松濤此際幽
夜涼生水氣
恍覺似深秋

許承家梁山
中流開絕壁
巨石見孤蹲
蜃氣烟嵐散
江聲晝夜奔
兩崖關地軸
千古說

天門誰失東南
險登臨欲斷魂

曹申吉采石磯
勝遊疲耳目
晚泊罷登臨
春入魚龍氣
山通潮汐音
蕭森孤棹雨
峭

拔半江陰高詠留
清響荒祠自古今

張畢宿遊太白樓
捉月騎鯨否
荒唐自昔傳
謫來天上宿
歸去水中仙
萬木吟山

後千峯列座前
詩魂何處覓
縹緲翠螺巔

夏之符石臼湖
老協滄洲興
新尋石臼綠
四圍招紫翠
一棹撥澄鮮
闊壯魚龍勢
幽

生鷗鷺憐暮烟
水面月出果藍田

朱德懋翠螺山房
凭樓看不厭
陟巘又僧家
山靜邑逾碧
江晴影浸霞
蒲團跌細

草茗碗聚輕花
十日淹留慣
將歸興轉奢

張崇慈乳山庵
襖被招提宿
攀蘿酒興濃
松杉窻影合
烟雷洞雲封
樵響來時路
僧

鳴半夜鐘
鶯花春氣早
那問日高春

陳醇儒白雲寺
客來尋古寺
秋晚葉填門
雲破峯初出
崖頽刻半存
捫蘿深絕境
采

菊泛清尊為問元
暉宅南山月一痕

金其式藏雲寺
攀蘿紆曲引
老樹入斜曛
坐石疑無路
看峯盡是雲
香臺人境外
斷

碣劫灰分萬籟此
俱寂樵歌到處聞

張鶴登金柱懷前令章公
晴日溪流好呼朋共野
航春來萬里綠鳥度片

雲蒼小坐依新葺豪吟覽大
荒浮圖誰此建山水識高長

成文運舟泊湖陽
命棹出湖陽微風拂畫橋墟烟
圍井里漁篷下滄浪水映天全

白農歌稻正黃但看
開婦子干此樂耕桑

丁宗閔無相寺
寺外饒幽趣週遭千畝塘那知魚
蛤味祇愛芰荷香塔影搖虛閣溪

聲度短牆尚書名
不朽千載護空王

吳守仕白紵懷古
曲高山作字縈綰愛長河聽竹
思瑤珮聞鶯想浩歌虬松凌絕

頂古麓隱蒼蘿韻事
誰為續攜尊擁妓歌

曹泰禎湖山烟雨亭
好景鍾山麓週遭繞百泉寺
依雲日近亭傍斗牛懸竹響

笙吹嶺禾翻浪在田全
真牀几列疑有倥佗眠

吳騫丹湖曉舟
露濕扁舟滑輕撓破曉風柳堤餘
月白漁渚淡燈紅烟歛山將展鴉

飛樹漸空隔林僧
起早磬響出雲中

陳調鼎青山
誰勻顏與色染就此山青雨畢雙巖
出雲歸萬壑冥黛橫疑畫落翠點入

詩靈寂寂松風
裡相看戶未扃

楊曦初夏遊金柱山
隔岸招舟子携樽向水湄柳
陰緣徑密山靜得花遲海燕

還爭壘巢鴉競哺兒高
歌振林木杯送夕陽詩

曹綠禪石門仙洞
峭壁自天成森森似鐵城路廻
山面轉泉冷石頭清雲影渡還

墮松聲鎖不鳴道人能愛客煮茗說無生

朱輅白鶴觀白鶴何年去空餘江水清樓飛三楚艦隄掩二梁雲塵遠嵐光隔烟消樹

色分艤舟無箇事判蘇識遺文

晉德慧青山懷謝眺石道捫蘿上青山一抹橫官辭齊太守人憶謝宣城雨過

池添碧雲深宅暗紫風流猶有伴灑酒奠長庚

吳本淳謫仙樓白也騎鯨去蕭條水自流當年猶落魄今日只空樓江月蛾眉夜松

風采石秋伴狂想君處千古意悠悠

丹陽湖三湖原自合西去水悠悠山色逼人眼潮聲喧夜流草花兩岸馥楊柳半村幽仙客

遊踪杳豪情萬古留

夏維太平溪閣雨集望青山酌撲窻新雨入淺閣暴寒侵體怯聊撐

蓋醪香不住斟歌漁山岫曉浴鷺水雲深豁達愁如失渾然天地心

七言律詩

唐

賈鳧送羅少府歸牛渚作尉長安始三日忽思牛渚夢天台楚山遠色獨歸

去灞水空流相送回霜覆鶴聲松子落月分螢影石房開白雲多處應頻到寒澗冷冷漱古苔

白居易謫仙樓采石江邊李白墳遶田無限草連雲可憐荒塚窮泉骨曾有驚天動

地文但是詩人多薄命就中淪落不過君渚蘋溪藻猶堪薦大雅遺風已不聞

許渾凌歊臺宗祖凌歊樂未回三千歌舞宿層臺湘潭雲盡曉山出巴峽雪消春水來

行殿有基荒薺合寢園無主野棠開又雲起高臺
百年便作萬年計巖畔古碑生綠苔又日未沉數
村殘照半山陰野蠶成繭桑柘盡溪鳥引雛莢稗
深帆勢依依投極浦鐘聲杳杳隔前林故鄉迢遞
故人去一夜月明千里心

移攝當塗寄李明府
病移崑邑稱閒身何處風光
貫酒類溪流遶門彭澤合野

花連洞武陵人嬌歌自駐壺中景艷舞長留
海上春早晚高臺更同醉綠蘿如帳草如茵

姑孰官舍
後始知為吏拙病來還喜識人疎青雲
豈有歸梁燕濁水應無避釣魚不

待秋風便歸去紫陽山下是吾廬
殷文珪經李翰林墓
詩中日月酒中仙平地雄飛

裝方丈玉堂前虎靴醉索將軍脫鴻筆悲無
合子傳十字遺碑三尺墓只應吟客弔秋烟

杜牧靈山寺
西巖一徑不通樵八十持杯未覺遙
龍在石潭聞夜雨鴈移沙渚見秋潮

經函露濕文多暗香印風吹字半消
應笑南來又東去越山無路水迢迢

羅鄴凌歊臺
高臺今日竟長間因想興亡為慘顏
四海已歸新雨露六朝空認舊江山

翹槎獨鳥沙汀畔風遙連橋雪浪間
好是輪蹄來在便誰人不向此躋攀

宋

王安石姑孰早梅
大梁春費寶刀催不似湖陰有
早梅今日盤中看剪綵當時花

下就傳杯紛紛自向江城落杳杳難隨驛
使來知憶舊遊還應見西南枝上月徘徊

曾鞏太白墓
世間遺草三千首林下荒墳二百年
信矣輝光爭日月依然精爽動山川

曾無近屬持門戶空有鄉人拂几筵
顧我自慚才力薄欲將何物弔前賢

游酢凌歊臺 今古豪華一夢回劉公遺跡有荒臺

澗澗松篁生 夜響年年桃李為春開

更尋小杜題 名處玉筍銀鈎晉蘇苔

楊傑橫望山 陶家舊宅寄山均七百年來此結茆

野僧拂石為 牀坐童子穿冰作磬敲

巖下清音誰 解聽古聲長在老松梢

陳塏極目亭 誰知極目名亭意不在登臨與品題

驚棲何日能 歸燕靈異當年任照犀

萬境盡從心 上化靜參飛躍悟端倪

潘閻太平城南結廬 微軀終赦謝天恩容養疎慵

朝又作散叅 軍高吟瘦馬衝殘雪遠看孤鴻

入斷雲到任 也應無別事願將清俸置香焚

吳淵官梅亭 疇昔花前屢舉觴重來鬢髮已蒼蒼

未容籬菊成 歸隱且向官梅作醉鄉

每約松篁堅 歲晚肯隨桃李競春芳

東風二月無 人惜片片霏霏雪自香

韓元吉凌歊臺 山到江東勢却回倚山樓殿更高

際來桑柘樹 分千里迥波濤壁立兩峯

開登臨擬問 興亡事白塔亭亭鎖翠苔

陸游太白墓 飲似長鯨快吸川思如渴驥湧奔泉

駿馬名姬如 昨日斷碑喬木不知年

浮生今古同 歸此回首桓公亦故阡

林逋采石山 危閣間登日漸曛畫屏晴雨枕江濱

坐卧不拋輪 釣叟往來常見屬鷗羣

翻然却笑宣 州守是甚將移李白墳

王儼蛾眉亭 牛渚磯頭烟水生蛾眉亭下大江橫

瓊館有才堪 倚馬錦袍無夢供飛鯨

停橈欲和渝 州曲都付吳歌子夜行

當塗縣志 卷之三十一 藝文 七

元

趙孟頫蛾眉亭

天門日湧大江來
牛渚風生萬壑哀
青眼故人携酒共
兩眉今日為

君開蒼崖直下蛟龍吼
白浪橫空鷺鶴迴
南眺青山懷李白
沙頭官渡喜相催

薩都喇采石懷李白

夢斷金鷄萬里天
醉揮秃筆掃蠻箋
錦袍日進酒一斗
采石

石江空月滿船金馬重門天似海
青山荒塚夜如年
祇因丰骨蛾眉妬
不作天仙作水仙

貢師泰蛾眉亭

露作衣裳雲作屏
玻璃萬頃著娉婷
望夫山上偏多雨
織女河邊欲

墜星啼螿夏涼收淺絳蟾蜍秋冷
抹長青憑欄醉倚滄波月
六代興亡一夢醒

明

陶安姑孰溪

映帶城隅地勢雄
昔稱重鎮大江東
萬山中斷飛銀浪
一曲西流卧采虹

夾岸樓臺楊柳月對船燈火
荻花風釣魚臺下鷗如雪
我已忘機似海翁

丹陽湖

三澤茫茫一碧連
白蘋風起棹歌傳
樹頭烟浪浮沉日
水底星河上下天
葦長新沙

留鴈夢草腥斷磧濕
蛟涎何當結屋瓊瑤窟
買取臨隄二頃田

陶安青山

曾是元暉舊隱居
忽看殊境現仙都
池漚晝涌泉根活
岳木秋凋石骨臞
栗殼

黃映猿哺子松巢碧冷鶴溫
雞道人鍊罷芙蓉鼎
紫玉簫橫鳳繞梧

李翰林墓

自別金鑾抵夜郎
江南有夢到朝堂
酒酣采石風生袂
匡老青山月滿梁
龍管

鳳笙遺韻事筆蘆星竹借文章
雲飛荒野苔碑斷時有詩人醉
一觴

楊基采石蛾眉亭

蛾眉亭下看秋山
輕蹙深顰淺淡間
雨過微雲添一抹
晚來新月

月闌雙灣不愁商女行相如
常恨離人去未還
我亦蛾眉亭下客
偶因西眺憶鄉關

夏鑑謝公井 虛圓九仞類天成下有寒泉湛月明

銀床桐委秋霜冷石甃苔生夜雨晴 紫綆金瓶聞汲處曉風頰送轆轤聲

祖儁化城寺 樹繞祇園水繞堤市塵渾不到招提

座擁金欄僧設講壁垂玉筍客留題 年來我亦耽蕭灑幾度重遊散馬蹄

于謙天門山 天門山峙起西偏屹立芙蓉翠插天

鳥飛不過巖頭石人渴難尋澗底泉 安得六丁施斧鑿滔滔車馬信平川

謝騫半山亭 野水間雲孤島外疎籬石磴百花中

龍噓雨氣迷深洞鶴鼓風聲動怪松 春社散來循舊路桑麻處處綠烟同

端宏謫仙樓 謫仙樓閣倚江頭一度登臨一繫舟

天門雨過雙蛾出牛渚潮平萬馬收 倚遍闌干追往事斷雲殘照若為愁

楊觀橫望山和韻 鶴書無復下雲均廢井荒園掩

木綠陰交斷崖曾說神蛟出破碣誰因野 火敲莫向東風傷往事夕陽歸鳥下林稍

楊深凌敲臺 浮丘佳勝路縈迴霸業空遺宋祖臺

香銷紅粉千年恨花落東風幾度開 弔古遊人倍惆悵斷碑磨滅鎖蒼苔

鍾炫廣福寺 行春詩興入烟霞猶有遺題護碧紗

六朝霸業遺流水千古青山幾暮鴉 塵夢偶隨僧入定竹間又報煮新茶

鍾銘秋夜泛舟丹陽湖 一片空明境界殊疎林遙

淺漁笛聲隨風有無湖蘊月輝光若練楓經霜 染錦如鋪停舟四望渾無際恍覺身輕在玉壺

藝文

王守仁化城寺

雲裏軒窗上半鈎望中千里見江流高林月出三更曉幽谷風多六月秋仙骨自憐何日化塵緣翻覺此生

浮夜深忽起蓬萊興飛上青天十二樓

謝理凌敲臺

鳥道崎嶇上復回攀蘿挽葛剩青苔也知地老天荒處曾貯燕歌趙舞來

谷口鳥催春雨急渡頭帆帶夕陽開

祝鑾月盤亭

畫棟朱闌露氣寒新亭屹立檜杉攢天橫一帶拖江練人靜千山見月盤

古洞出龍靈雨沛羣仙跨鶴碧霞餐

登臨竟日忘歸去

便欲乘風刷羽翰方外松蘿隔綵霞日移金碧綯

劉源黃山廣福寺

窻紗香焚石鼎飄輕縷鉢洗山泉帶落花樹色雲迷巢野鶴鐘聲風送起

林鴉老僧定後禪機息研竹敲冰看煮茶

端廷赦登白紵山

白紵春風好杖藜黃鸝依舊滿山啼僧持野菜炊香飯鳥喙閒

花宿古隄隔嶺雲霞堪入畫近城樓閣若為梯傷心歌舞當年事一帶斜陽芳草迷

端鈇姑溪

烟鎖橋頭散綺霞忘機鷗鳥踏江沙晴川畫舫牽楊柳小店青旗出杏花繞屋

寒星高士卧傍門流水野人家賦成歸去來辭晚鐵笛橫吹放鶴斜

徐中行謫仙樓

乘風獨上謫仙樓檻外蒼茫散九州揮手雲霄辭萬里啣杯天地失

千秋詩留太嶽星辰折氣壓寒濤日夜流我欲呼君醉明月蕭條異代不勝愁

梁辰魚采石弔李白

停橈磯下酌椒觴草木猶聞翰墨香飛燕已辭青鎖闥長

鯨自上白雲鄉他年有夢遊天姥此夕無魂到夜郎西望長安漫惆悵金鑾春殿最荒涼

章嘉禎宿花津救圩 牽帷澤畔柳陰連朝露白千山雨過夕陽孤雲沉里社驕陽氣風亂荏苒落鴈雛聖主只今賴軫念江東早已望蠲租

當塗縣志 卷之三十一 藝文

李仲元凌敲臺 琉璃萬項碧如堆畫棟連雲戶牖開晴嶂勢吞三楚盡暮潮聲帶九

江來六朝寂寞唯流水孤壘荒涼只舊臺惆悵騎鯨人已杳夜船空棹月明迴

倪伯鰲凌敲懷古 千山樓閣對江門巖畔高臺過雨痕吳國草芳虛落日蜀江天

盡見孤村空思野徑埋歌舞誰復荒基辨寢園人世興亡多少恨斷碑枯木自朝昏

梅鼎祚青山尋謝宣城故宅 不妨微雨繫孤槎且向青山問謝家三徑

春風歸燕雀一江秋水兼葭夢中渴憶如瓊樹句裏長飛似綺霞故郡可憐祠廟在臨流吾欲採

花蘋 騎鯨仙人海上歸至今草木猶清暉千

勝毅采石 山落日送樵笛萬里長風吹客衣春色

蛾眉浮翠黛夜光犀渚沉珠璣神遊故國應過此高冢臨流知是非

葛森龍山 木落秋山樵徑寬布帆輕下其追歡黃花又醉陶家酒短髮還歎杜甫冠斜日

漸隨千樹暝晚鐘橫帶一溪寒風流叅佐今塵跡明月青山最耐看

楊金馬鞍山 振衣遙步翠華堆竹樹林深晚吹哀幽谷有人餐赤氣古碑無字卧蒼苔

雲開四壑松風見雨送一溪春水來我欲從師問真訣不知何處是蓬萊

張弼橫江 揚子江頭獨問津風波如舊客愁新西飛白日忙于我南去青山冷笑人孤枕

不離鄉國夢敵裘猶帶帝京塵交遊落落俱星散吟對沙鷗一恰神

駱駿曾謫仙樓 紅顏軒冕總蒿萊身後何如酒一杯拂袖已辭天子去賜環仍許夜

郎迴江湖無恙神仙籍山水偏宜逐客才歸去烟雲應寂寞月明猶似跨鯨來

林鴻采石山 斷磯縹緲駕危亭欄檻孤高見杏冥牛渚波濤通海白歷陽烟樹入淮青

騎鯨夜憶游仙月泛鷓鴣春浮奉使星
萬古憑高一回首玉壺清酒莫教醒

孫蕢太白墓

冠履何年墮世塵先生原是謫仙人
春雲彩筆驚飛燕暮雨滄江泣石麟

牢落清名應不歿衰遲大雅竟誰陳
翛然我亦狂吟客思殺風流賀季真

張一躍無相寺

寂歷空門晝掩扉一尊同解薜蘿
衣苔垣草徑無人到竹塢桐陰有

鳥飛天外晴嵐時出沒湖邊雲樹自烹
微醉來堤上斜陽滿正是山僧乞食歸

楊金楊家壩

山抱城東水抱西柳條無數蔭沙隄
丹崖翠壁縱橫見水鳥山禽歷亂啼

身外川原秋更好眼前情景醉中題
憑誰買得滄浪曲日共漁樵處處栖

張國祥宿元妙觀

跨鶴仙人不可攀茅堂留與白
雲間堦前瑤樹自開落夜半霓

裳時往還湘竹千竿搖玉珮秦雲一片度
元關昨宵夢裏傳真訣說我緣因列上班

焦鎬全真岳

石壇雙劍削芙蓉鳥徑花深翠色重
谷口草深迷世路山腰雲竇幾人逢

洞門華日棲元鶴野殿荒烟起暮鐘
欲覓全真何處是月盤高掛萬株松

端鑾雷峯丹室

茅簷竹牖嵌青螺種就高秋上
蘿石髓可調丹竈藥塵氛不到白

雲窩山宜納客名增重鳥似依人語更
多長嘯一聲林木振清風明月許重過

曹履吉姑溪汎月

籬落尋常水月鄉閒來何事戀
流光沙邊人影來千里天半霜

華散小陽假到楚舸初弄楫顧殘吳曲更
飛觴清溪狎主如今夜殊勝東山且自狂

金柱山和韻

漫躡飛梯七折輕相輪誰識斷鰲成
平沙徑拔金天柱去浪聲環水國城

遙映黃峯雙塔鎮斜通碧浪二梁橫
卽今多少觀風意已占當年創始情

陳憲登牛渚磯

深秋牛渚泛輕舸蠟屐登臨與更
豪木葉千山凋晚翠江流萬里響

富澤縣志卷之三十一 藝文

春濤猶分犀焰探珠窟剩有鯨波漾錦
袍一望滄洲烟渺渺對月憶風騷

胡永順太白墓 青山孤塚謫仙存草覆殘碑字可
捫千古艷傳天子眷一杯空掩夜

郎魂何年會此浮宮錦今日依然照酒
尊我欲起君論往事續紛黃葉滿前村

丁孕乾泛舟遊白紵 柳花飛暮麥乘秋峯轉高低
一水周詞曲漸成山姓字池

臺猶寫晉風流鶯當前路聞芳語酒附歸舟
得緩遊官似僧間僧似客載將春去問浮丘

藍壁白紵山 古木森森舊楚山客來林下一開顏
寺臨幽壑經年久門繞青蘿盡日閒

春水雨添僧汲去殘花風落鳥啣還
憑高西望江城晚萬井烟霞夕照間

張一儒供奉祠 仙人原自住瑤京磯上高樓仰五
城雜樹尚留宮錦艷長江猶似酒

杯清空林鳥語春風過遠浦帆歸夜月
生碑碣滿庭詩滿屋誰將騷雅託同聲

沈璜謫仙樓 荒祠展謁夕陽西更上危樓拄杖藜
風湧潮來吳地潤雲拖雨過楚天低

千層絕磴寒猿嘯十杖孤松老鶴棲
夜靜月明歸棹冷江神只恐客燃犀

胡纘宗景峯亭 空中石磴雷峯頭披雲下見金陵
州青山黃山向背立大江小江環

抱流松護靈湫冬不涸草按仙洞春欲
浮竟日鶯聲樵雜唱不妨借榻留丹丘

倪芳應登雷峯 且維單舫步林丘屐齒鏗然石磴
幽黃葉亂飛清古木白蘋初放冷

滄洲天邊雙嶼齊排檻郭外千家曲抱
流正是茱萸兄弟會插花亭畔共淹留

劉鎬凌敲臺 昔日浮丘去不回參差金碧倚城隈
潮吞吳楚江橫練塔擁雲霄翠作堆

一徑野花迷寢殿千秋明月護層臺
松聲竹韻清如許歌舞還疑宋祖來

倪瑞應泛舟采石 松壑寒風勢欲騫携尊跌石夕
陽前雙蛾半歛餘寒色靜練平

鋪帶暝烟水落漁舸爭出浦霜稜鴈陣遠
連天錦袍夜泛人千古高韻誰呼月滿船

陳鍾璵文昌宮雙栢道院相傳唐宋年純純雙楹

識合威化鶴還飽歷風霜顧頰異聽多簡笈
性情玄憐予瘦勁遙相似坐卧經句意惘然

李汶尼坡梅月涓涓寒月浸梅花照映冰肌絕點

橫斜誤疑天府嫦娥境髮弗西湖處士
家對此奇觀不成寐吟詩佳興浩無涯

許璇丹陽書院宏開書院鳳池倚禮義雍雍君子

三行捲簾燕墮芹泥濕洗硯魚吞墨汁
香珍重宋朝劉貢士肇基上請額丹陽

周忱懷瑞竹堂彝上人十載經過三十回一回相

建別館多情為我開心在空中同日身從定
後化寒灰入門惟見西窗竹還有清風白晝來

祖雋送丁倬去任出宰姑溪歲已深十年終始佩

磨鐵石心酒畔青山無愧色詩中白雪少
知音公餘倚馬看雲處笑指梅花瘦不禁

芮釗大聖堂烟外招提雲水深空庭松檜午交陰

振壑清商松頂鶴點波晴雪渡頭禽
從來名境輸僧占坐撫滄洲一浪吟

國朝

王崇簡采石山鬱高古路闕深蒼仄徑危磯上渺

根香屐驚巖際嵐光落望斷峯紋烟影
長偶爾爾停橈來此坐浪花雲葉各荒荒

梁清標牛渚磯千年牛渚草蕭蕭供奉風流自不

春潮菰蘆烟火連三楚金粉江山過六
朝細雨鳴榔嗟往事謫仙樓在客難招

王澤弘月夜天門山

潮落江村欲二更衝寒荒市入山行壁懸老屋愁風峭人

歷蒼苔看月明嶺嶠到江還插漢石門對岸隱為城遠煩羽士前相導指顧南雲說舊京

李元鼎褐山

蘆荻蕭蕭野岸問孤舟繫月聽潺湲風高鶴鶴聲初落江冷魚龍夢未還

幾度吹笳懷白紵何人把酒問青山舊游多少存亡事寥落西歸鬢已斑

田雯登太白樓

千載謫仙呼欲出振衣牛渚一登樓鑑湖乞與知章去梁宋曾同杜

甫遊蕭瑟秋聲迷雁浦空濛細雨沒漁舟橙黃橘綠烏棲夜對酒難消萬古愁

周體觀登太白樓

采石橫江江水流謫仙曾此醉江頭蕭蕭鶴羽千年夢渺渺鯨

波萬里愁玉露秋風驚落木蒼烟漁笛起寒洲不堪去國懷鄉客更上浮雲蔽日樓

鍾鼎謝公池

籃輿又到白雲峯古寺猶存六代松鑿石天開苔繡佛畔烟花落鳥啼鐘

平疇禾黍欣無恙山閣琴樽興轉濃極目三吳頻入望江聲日夜吼蛟龍

張時暘黃山寺

林臯雪色入春饒徐步禪房過野橋倚馬客來荒寺寂牧鷄人去碧

天寥澄江萬頃連三楚行殿千楹感六朝徙倚浮圖重眺望五雲深處鬱岩堯

鍾斗靈墟山訪丁令威仙跡

仙去壇空歲已深祇傳千載說銷沉澗邊

草色猶風雨山頂松聲自古今幽磴晝寒丹火伏閒林春暖碧雲陰我來欲證長生訣鶴化歸遼何處尋

楊世學尼坡梅月

梅根月影杳難尋石壁空餘苔蘚侵不有狂吟驚滿座誰從大

地賞知音千家粉堞黃塵裏一棹輕帆碧靄陰笑指百花亭上路虬松老我白雲岑

徐飛臣湖居

數卷茅茨傍野沚環溪窈窕隔塵氛孤歌半壁驚風雨小闌明窻納水雲

詩弔青蓮移短棹歌裁白紵醉殘曛
莫嫌竟日無人過雪鷺霜鷗自可羣

方孝標采石

石聳松寒波勢橫神功疑與帝心爭
潦侵纜路舟如鳥樹繞雲根木作城

亘古有誰追太白當年容易躍開平
蒼茫又復成今昔蘆荻蕭蕭冷月明

莊罔生金柱塔

水面堆山不在高幽亭一望下臨
濠坐來自覺親魚鳥行處須教補

柳桃秋色滿亭僧寂靜晴光遍野竹蕭
騷往還渡口如平地無用金錢買小舸

吳國鼎過采石

江上扁舟傍夕歸波光萬頃向空
飛鳳臺東出無多地牛渚南來第

一磯帆影搖搖星影動鐘聲約約雁聲
稀蒹葭白露露情何已放棹中流欲濯衣

端茂杞遊禪嶽寺

寒岑驅馬晝衝泥野磻穿雲芳
草萎枯木長懸幽徑外落霞偏

在暮峯西一叢紅樹枯僧卧半畝清溪過
客題夙昔登臨懷不淺故人尊酒况同携

戴重采石

蒼涼晚渡乘舟走鄉遠懷鄉復此遊白
鷺晴飛芹菜港黃沙風起鱗魚洲江東

水艦搖神纛天北城花罨戍樓春
夢不知寒浪急東風千里去悠悠

唐念祖前題

蘆笋甘時鱖正肥空江烟盡一鶯啼
鐘敲月路全歸艇僧枕梅根不掩扉

水落魚龍吹浪急巖深狐鼠吠人稀
長空白日浮雲蔽留得山花點客衣

程嘉燧天門山

兩岸青山限落暉繡巖丹壁望中
稀蛾眉馮影牽長鏡石面橫波曳

細衣絕壑牛羊綠木下斷崖鷹隼護巢
飛停舟欲到蒼茫上昏黑江雲失翠微

邢昉三台閣

高閣梯雲睇夕天門山色遠蒼然
謫仙祠鎖秋前草慈姥磯啣水際烟

直上青松多歷落斜飛鴻雁故聯翩
楚江一帶成終古猶有孤帆在日邊

袁藩登翠螺巔三台閣

高閣凌雲接帝昏空林細
雨濕苔痕青天路迥丹甍

出碧水浪翻白晝昏檻外長松穿月窟塔前奇
石沒雲根還期載酒芝房宿卧聽江聲不掩門

吳德方宿和尚港平時野宿舟常泊月喜今宵早
出山水上但浮燈數點樹中遙

見屋三間江潮夜落漁歌遠荻岸風多鷺
影閒無奈石尤常妬客蓬窗沾酒藉開顏

孫迪吉藏雲寺雲際東山舊梵宮迴廊新設一齋
通烟消巖樹當窻綠霜過林花滿

日紅屋後有峯能致雨寺前無木不吟
風一聲清磬飛秋月響入寒雲萬壑中

安致遠謫仙樓崔巍虛閣萬松稠霽色橫江晚更
幽風日佳時尋好侶江山奇處憶

前修鏡涵烟露宮袍濕雨洗嬋娟翠黛
愁我欲重邀采石月何人同醉木蘭舟

曹臺岳登謫仙樓為誰結構大江東鯨背人歸興
未窮且自卧君登百尺更邀知

已爛雙瞳江樓不共千家夢蘆葉還收半
夜風無限牢騷呼謝朓借携詩句問穹窿

張如騫彩虹橋雙虹橫截鎖長流坐詠滄浪底事
幽城郭晴光波上下人烟春色鏡

中浮幾年戎馬停遊棹一帶漁簑問酒
樓風景不殊今昔異踏歌還憶採蓮謳

張畢宿拜李太白墓蕭蕭墓上紙為錢讀罷殘碑
思邈然星謫凡間聊肅傲魂

依勝地獨留連花分紅白浮青壠路失陰晴
繞暮烟醉後呼君君不見百壺那用酒如泉

陳醇儒橫山尋陶隱居宅朝辭金殿暮山均卜築
層巒此結茅野老共傳

天子詔先生只數布衣交靜看芝木問畦種臥聽
笙琰野寺敲為愛數峯風物美月明中夜挂藤梢

張柔嘉靈墟山會聞丁令學神仙煉液山中不記
年遼海重來人化鶴靈墟歸去竈

含烟丹臺翠積樵踪斷石洞雲封鳥篆
連我欲學仙問仙侶秦皇漢武何茫然

呂調章景山春望攀蘿直上半山中翠壑丹岩景
不同四野晴光開薄靄一天綺

藻散春工柳條漸繫東風綠草色遙連返
照紅更是南溪帆影外鳥啼漁唱聽無窮

龍雲澍舟泊和尚港
海上風生下急湍臨江俯瞰

落驚濤送紫瀾誰是錫飛留鶴影猶聞磬響
落漁竿前汀烟火微茫裡吳楚秋光入望寒

金一莖龍山
幕府宴開人已往參軍帽落韻難刪

青松帶日山紫丹葉經霜樹樹斑
羅列諸峯如拱楫應同戲馬一開顏

張異卿大仁寺訪梅
荒顏古寺背江天老衲相逢

雄無夢不留連携來白晝春前釀踏破黃昏
礪外烟高士行藏原落寞澹香疎影總蕭然

張鶴過采石磯弔李白
頭石不羣抹殺御前楊國

色重生唐室郭將軍捫天有路寧擊月和雪無
人但遏雲憑弔只宜多瀝酒何人浪自說詩文

陶嘉祉釣魚臺
凌雲山下石如拳日日潮來水石

安眠最宜秋夜松杉月尤愛春風榆柳
天元坐已忘塵世遠河魚換酒不須錢

甘京采石
聞是上游形勝地石磯橫截與江分危

連營傳太傅常家奮武出將軍江
南昨日何曾戰炮火空臺築水濱

祝元敏秋日舟歸湖陽
歸舟日夜草迷離南國征

上長汀螢火亂星移林樞已倦江湖興客路常
懷風雨悲他日一窩安樂在烟霞深處海東涯

汪志琦雷峯和龔直指韻
尋春郊外入仙關古木

看滅沒林空飛鳥任閒還暖窺花媚常含笑醉覺
尊盈更解顏偃仰峯頭忘日暮置身如在畫圖間

巫邁宗龍山
杖藜莫漫傷予老把酒猶能對客歡

富望縣志 卷之三十一 藝文

石作龍蟠南郭外人如鶴嘯白雲端
參軍詞賦空餘帽吹落巉岩何處看

夏懋孝白鶴觀

名白鶴觀中飛白鶴白鶴既去留其
潮生紅顏煉藥燒金鼎白晝乘鸞赴玉

京采石山川渾似舊祇今惟聽步虛聲

張惣閨中秋同郡守楊霖登太白樓

百年幾見閨中秋况復江

山領上遊天與清光仍似水地爭爽氣最宜樓酒
樽直向佳辰借詩卷長從明月留今古騷壇添韻
事欣逢五馬倍風流

周在浚虞允文祠

烽傳千里照天紅飲馬投鞭指
顧中遺事尚能留斷碣土人亦

解說英風當年壁壘今猶壯舉目江山舊
不同南渡功名誇第一牧牛丘隴漸成空

孫昌裔凌敲臺

浮丘巖畔宿寒雲石碣苔侵宋祖
文綵袖歌殘人寂寂靈旗風杳葉

紛紛堦前草色猶朝露花底鶯聲自夕
曛舊日離宮今梵院疎鐘夜半不堪聞

奚大復凌敲臺

層臺縹緲數遊踪謾謾唯餘宋代
松輦路月明仙仗杳寢園花落野

苔封歸樵尚咽歌聲細遠岫爭描黛色
濃坐聽疎鐘消白晝離宮今屬梵王宮

張崇慈二仙庵

流水桃花路可通方壺豈必屬虛
空青蘿洞口一規月綠柳池邊半

壁風仙去誰憐今代異鶴歸翻訝故人
同九還自古無多訣應在沉冥不語中

成文運遊蛾眉亭

葭茨茫茫覆遠汀筠篁孤擁一
螺青行當絕頂眸雙豁坐對寒

濤酒獨醒苔碣只今留故蹟錦袍何處覓
遺靈南州到處饒佳景不盡脚躡是此亭

龍應蛟三遊亭

亭開天際勢崔嵬有客尋春踏草
萊雲鎖層巒飛鳥沒松吟絕壁好

風來半空雉堞環山麓一帶花陰護石
臺逸興自隨清磬遠何須檀板共金壘

龍棟雷峰 晴郊覽勝愛登山越陌穿林隔幾灣風靜堤楊帆影細雲留石洞鳥聲閒傍亭

碧草春盈路避客黃冠晝掩關樽酒談深逢日暮桃花爛熳振衣還

張畢宿梅坡 醉後憑高坐石頭漁舟不掛荒帆秋城欹粉堞雙橋接雨洗青山萬壑流

老興未闌杯在手餘霞初散月侵樓蓑衣箬笠吾家有釣雪還來戲白鷗

張伉謫仙樓 謫仙到處任悠悠采石江邊作卧遊飛燕怒深投萬里騎鯨與發壯千秋

吟魂不逐長波逝醉魄還因勝地留渺渺遺踪憑設像無窮景仰在高樓

曾逢年丹陽湖舟中卽事 湖上居停似異鄉蘼蘼汀芷暖風香孤帆遠接

笙歌隊短棹閒隨鷗鳥行潮信年來青草沒天根欲盡白雲荒當年雀舫歸何處望裏危樓出夕陽

芮廣森采石磯弔李白應試 宮錦依稀去未回空餘樓閣倚崔嵬天真

爛熳非關醉湖海漂零只為才返照入江歸鳥急亂香叢處野花開何當重染華清翰再晉玻璃酒

杯一

方觀承太白樓 才名死亦艷江山第一樓頭客共攀靴冢千秋同醉裏錦袍何日不

人間長庚已失然犀影賀監應從跨鶴班最是關情波際月夜郎曾伴逐臣還

三官洞 直下江流深不測何年架屋住孤僧鑿開井竈依山石過盡帆檣見佛燈鼠舊拖腸

成隱穴犀誰然火近高層從知水斷崖懸處陵谷都教泯廢興

謝莘登太白樓 翠靄遙分太白樓萬松深處遡風流九天光霽開懷抱五嶽靈竒吐

筆頭采石飛霞詩宛在清江泛月酒常留論文工部應過此雲樹相思隔幾秋

李永標留題太白樓 代罷藩厨促曉裝輿人南指去堂堂迎風綠樹開塵面沐

雨青山山洗熱腸到處家鄉誰是客遊來宦况
淡方長夕陽影裏名賢地遠翠招徠笑我忙

朱肇基季春登天門山次壁間韻

東西雄峙兩峰
開拾級登臨亦

快哉楚水吳山勞悵憶烟光樹色足低徊雲標寺
影層巒見風送鐘聲上界來仙境偶尋吟望處江

頭新漲
欲浮杯

又浪激梁山響若雷凌空峭壁截江開俯臨烟火
紛紛集遠湧波濤滾滾來萬壑風馳搖水寺雙

峰日落卷春臺輕帆一棹
雲移暗漁笛滄浪起暮哀

張海登太白樓和

李副憲韵

兩攝于湖暫駐裝
高山仰止此登堂

百年秋色存詩筆萬里江流入飲腸複閣雨餘嵐
影淡重簷風起樹聲長名賢散跡成千古愧我塵

勞盡
日忙

徐必泰天門山

太古以前生氣渾六丁鑿出二梁
痕遙疇海色乾坤大中瀉江濤晝

夜奔隱躍魚龍翻石壁依稀闔閭蠹山
根客舟相向多驚眼一片孤帆勢欲吞

端重采石磯弔李白

仙祠笑兀配江閑回憶清華
响珮環飛棹影摩唐代月危

樓名壓謝家山濤聲欲撼層巒出詩魄疑隨
落照還倚遍闌杆追往蹟雲霞飄渺水潺潺

吳騫遊橫山

馬上尋春春正酣緩鞭不厭勝頻探
衝開綉陌紅千斛踏破平陂翠一函

近水燕來啣落絮隔林樵出帶虛嵐
遲廻忘却歸時晚月吐前山影半含

奚源中秋登金柱

一柱孤撐號鐵淋艤舟拾級快
登臨溪流抱岸雲連碧江水襟

沙日射金碧紵僧寮看隱約翠螺松栢遠
蕭森高攀絕頂蟾宮近題塔秋傳折桂吟

張照龍三元洞

捫蘿尋洞見神宮湧出層岩巨浪
中路繞羊腸循曲折人從鳥道攝

高空江光鎮日連雲碧水怪頻年覆火
紅我欲御風遊汗漫憑欄一望思無窮

張應律遊景山 佳節登臨醉眼中荒臺重望思無窮
餐霞未宿仙人洞酒醒常吹石

壁風塔對凌雲誰作賦鬚撚白雪亦徒
工蘭亭修禊傷金昔異代蕭條恨不同

朱逢源遊天門山 大江東去是天門吳楚山川勢
欲吞未必五丁從此劈如何一

水自中奔狂瀾爭擁蛟龍舞陡壁相持虎
豹蹲乘興直登雙闕望征帆遙挂日邊痕

朱輅雷峯步邑令祝元敏韻 峩峩畫角俯岩坳笑
指湖山烟雨亭堤柳

晴舒雙眼碧雲天靜捲數峯青誰家扶醉喧村鼓
何處憑高壓酒星春社夕陽人影散牛羊芳草路

沈真 弔古憑高首重回當年霸業只空臺可堪

魯師璉凌敲臺步許丁卯韻

鳳舞鸞翔地祇見樵歌牧唱來殘碣已隨荒草沒
閒花猶傍斷巖開行吟一倍增惆悵古道寒雲鎖

碧苔

張仲熊尼坡探秋 野渡雲橫郭外遊危亭難覓百
花頭城歛粉蝶雙橋鎖山插青

峯雨水流曉霧漸收霜染樹晚霞初散月
侵樓停車老興知非淺襟袖携歸萬斛秋

趙怡采石磯懷古 磯畔尋幽破寂寥振衣千仞上
峩峩波濤夜湧龍腥暈松栢陰

多虎氣驕供奉文章今古月開平勲業往
來潮登臨撇却無窮感山徑斜陽唱晚樵

唐繡慈姥磯 天教慈姥蠹江干陟屺猶憐心胆寒
孤舟夜泊悲絕裾磐石根枯孝水瀾

啼鳥駭林風不休簫管哀吟竹萬竿
舐犢關情留月炤三更細話丁蘭廟

五言排律

明

邢珣湖陽

細數吾鄉勝應堪入畫圖橫山飛遠脉
斷壑落澄湖西嚮丹陽合東乘石日紆

波心龍突起沙面錦平鋪隱隱崇孤嶼洋洋浸四
隅人家沿兩岸農畝畫中區周矚三成廣循行一

舍迂北津通采石南界抵長蘆星紀當中斗封疆
舊控吳江防連建業尺籍入當塗編戶五六里標

章十八都前朝軍寨有今代戰場無卑下雖憂濕
清幽不受汗天開古澤國境占小蓬壺靈氣重重

泄雄才歷歷符邊戎登武將科甲繼文儒墓表忠
言士門旌孝節妹華勛昭族譜喬木蔭繩樞同姓

為閭比宣居避塚瑜宅荒留閱世媻似陳朱矮
屋清臨涖窮簷厚覆芻尚存元第宅每見宋盤盂

織葦圍成圃操舟出代駒唐溝喧亥市均慶穎浮
屠沃壤天機萃芳辰品彙殊英苗各種種卉木數

株野徑縈牛勒僧房盛鼠姑桂傳天上馥梅逞
雪中癰谷暖薰蘭蕙籬寒綻菊萸水芝穿苻藻岸

芷雜蕪蕪瓜葉三稜草蟠根九節蒲夫須生滿隰
芡苡長侵途益母花難老蒲公葉易枯呼礫看栢

梓堅韌重槐榆杞柳村村暗桑麻處處敷薪多葭
與茨櫨積櫟兼樗庭檜欺修竹溪楓映碧梧果蔬

周歲用鱗魚應時需暑雨肥梅子嚴霜熟木奴充
賴梨棗富核寔杏桃粗橙摘黃金卵榴刻赤蚌珠

鹿心藏玳瑁巖蜜薦醜洗瓦焙山藥和泥鬪土
酥陽坡瓜萃萃潤地菽許許藜莧真常品菠菘亦

小腴園栽珍芥苣野采擇芹萁鴻蒼參豐本蹲鴟
壓落蘇香甘墻脚薺圓滑架頭瓠菱老方收芡蓮

殘乃撥菘來牟饒夏利稔秣足秋租澤涸鰕籠撤
潮生蜆鬻打笋抽初食紫蓴美却烹鱸鱖鱖麗絲

網鯖鮓上篋蒲紹羊驚異客縮項侑嘉厨時祀丞
鱸鮓霜螯蟹蚌蚶鮓從湯索得鯉受背風拘暮渚

迷鷓鴣晴灘戲鸚鷓鷓蓼濱鷗狎棹麥外雉離學容
與朝鷓並悲悽夜鷓呼羣翔青白鶴類聚泳游鳧

鷓鴣禽困得鳩鵲蝻釣掄修儀矜厲王長喙惡鷓
鳩遠贄天鷺貢隨陽侯雁徂林疎潛罔象山迥結

於菟鷄兔知豐歲牛羊喻夕哺物難窮水陸言僅
麗形軀敢開詞章麗非夸耳目娛生民多所賴古
俗未全渝寡訟懷王辟惇倫仰聖謨衣冠渾儉後
畊織自勤劬五世曾同爨三農不異趨嗇施懲後
匱征賦樂先輸病患頻相恤顛危每共扶父老年
年社賓僕歲歲醜貧婚欽世族崇疫信神巫世道
今將改輿情化莫孚兩暮罹濁潦羣盜倍軍需勢
類波瀾下恩慳雨露濡昊天如不吊生物亦云瘡
餓莩皆填壑好頑自速辜府胥頻捕捉茅屋半逃
逋拯溺思良牧憂心蹙老夫也應慚故土况復脫
亨衢許劭評何濟文翁望不孤感時恒悒快觸目
重嗟吁明命行將至筋駑尚可驅許身追稷尚戮
力輔唐虞肯委囂囂志寧儕覲
覲徒好還天道在率土共于于

七言排律

陶安遊景山全真洞

千門插柳柳含烟陌有輪蹄
水有船花下酒杯堪獻酢松

間山路更躋攀仙童見客頻留坐飛鳥依人每可
憐席展園亭殺雜進粥香鄰竈火新然有閒愛結
漁樵侶無術能飛子母錢自笑
勞生空擾擾欲求鼎藥為延年

詩餘

宋

韓補之蛾眉亭

霜天曉角○倚天絕壁直下江千
尺天際兩蛾凝黛愁與恨幾時極

○怒潮風正急酒醒聞寒笛試
問謫仙何處青山外遠烟碧

賀鑄凌敲臺

金人捧露盤○控蒼江排青嶂宴臺
涼駐彩仗樂未渠央巖花磴蔓妬千

門珠翠倚新妝舞闌歌悄恨流風不管餘香○繁
華夢驚俄頃佳麗地指蒼茫寄一笑何與興亡量
船載酒賴使君相對兩胡床
緩調清管更為儂三弄斜陽

閨秀徐君寶妻蛾眉亭

霜天晚角。雙巒闔碧寒。玉雕秋壁。兩道凝螺。天半

磯無限青青色。拍岸濤聲急似鼓臨。叩瑟牕下鏡臺鸞去空留得春山跡

元

盧摯蛾眉亭

水調歌頭。亭榭踞雄勝。杖屨踏烟霏。山靈聽足春雨。忙遣暮雲歸。我欲

天門平步消盡江濤餘怒。嘗試問馮姨。何物兒女。子剛道似我眉。雁行斜松影碧。艣聲微。一齊約。下風景莫是為湘纍。政有玉臺温嶠未暇。燃犀。下照貪著芰荷衣。好在初明觀。重與故人期。

明

楊基月夜采石

西江月。采石磯頭明月。蛾眉亭上。秋山古今來往。幾人。間贏得新

愁無限。不用朱唇低唱。何須纖指輕彈。一觴一詠到更闌。驚起數行鴻雁。

李玉尼坡梅月

浪淘沙。坡上絕塵囂。冬景蕭條。老梅五出放瓊瑤。寂寞黃昏誰是

伴。鏡掛花梢。何處顯高標。梅月相邀。暗香疎影度清宵。古寺幽軒無限趣。足稱逍遙。

前人登凌歊臺

浪淘沙。山嶺勢崔嵬。畔有高臺。前人登凌歊臺。登臨四顧絕羣埃。宋祖鑾輿曾駐

蹕。今日蒿萊。水勢自滌迴。翠石蒼苔。春風鳥語野花開。薄暮斜陽寒塔影。遊客啣杯。

國朝

陳世祥采石磯懷古

雨中花。千里滔滔。冰雪送過幾多豪傑。送到如今英雄

已盡。怒浪空設。醉向長江呼短楫。恰好當頭。明月頰首。浪排空。熱酒澆來。滴滴英雄血。

董以寧登姑孰城樓

浣溪紗。白紵山頭松潑烟。凌雲塔下水交田。碌碡研場

趁夜雨。麥黃天。燕子衝翻青雀尾。鴨雛蕩破綠荷錢。堤柳陰中閒不得。織魚篋。

安致遠泛采石飲謫仙樓

水調歌頭。萬樹蒼蔥處。幻出謫仙樓。倏忽淒

風驟雨陡作滿江秋一片風帆殘照數閱漁歌初歇兩岸葦脩修江南風景好喚起隔江愁。瘦驢背殘魚鱸故貂裘何如宮袍美酒瀟灑少年遊水畔蛾眉如月好對龍吟鼉怒爛醉木蘭舟古今多

少事盡付與東流

金一莖姑溪秋汎

唐多令。乘興泛扁舟。蒼茫一望秋聽孤鴻嘹唳如愁極目丹

楓遙映處溪水上濕紅浮。寂寞釣磯頭垂楊界淺流聽漁歌又起清謳一幅畫圖粧點好應不讓

暮春游

趙煥府署自公堂詠竹

賣花聲。別墅美芳隣。黯澹三春愁懷不耐酒沾唇

愛此琅玕千箇好綠染階痕。琢句聽清音律按柯亭宜風宜雨更宜晴底事子猷頻寄賞千載知

心

前人含清園夜雨

前調。細雨滴曉前敗葉鋪壇莊周夢醒幾回還兀自夜愁衾

簾冷處處鳴蟬。歷落入清泉灌滿桑田憑誰有計埽寒烟妬盡東籬無限菊辜負陶潛

補

張畢宿泛舟城壕

荷風香十里乘興一樽携葉滿浮舟底花繁遶郭西暮蟬催返

照好鳥怡幽棲不盡登臨意雲烟逐望低

張應燦大信西寺竹園

攤書依古寺愛竹勝淇園簌簌風鳴玉漪漪月映門

凌雲存勁節當路見蟠根坐對消塵俗倘徉足曉昏

曹泰禎雷峰

青山旖旎綠陰濃石磴參差俯眾峰雨洒烟巒垂薜荔風搖巖壑吼虬松

長河如帶凝朝旭古寺連雲度晚鍾
更有孤亭堪睇眄身疑蓬島陟千重

曹守謙遊天門山底柱中流勢并開層巒隻峙嘆
奇哉龍騰巨浪搖蒼翠鳥渡長

江自往迴作鎮東西千嶂險平臨吳楚片
帆來名賢勝地相輝映紫氣氤氳照酒杯

唐嘉杓靈墟山懷古仙踪久已絕塵寰靈氣盤旋
山谷間雨後流沙丹若現朝

來飛鳥意常閒十年城郭終更變百劫真人
獨往還欲學長生何處是風清月白水潺湲

魯廣生丹湖晚泊悠然天水合明月霽虛空涼在
有聲處烟生漸暝中沙鷗驚眼

白漁火亂星紅萬慮
一俱寂滔滔流向東

當塗縣志卷之三十二終

當塗縣志卷之三十三

雜辯

志有雜辯辨疑也載籍明徵顧第弗深考乃毛舉
齊諧稗乘之說眩世聽聞苟能反抱匱之陋參訂
同異自如寐得寤也臧三耳白馬非馬參差詼詭
譚鋒徒自逞耳不聽無稽弗庸不詢一以經史為
依歸覈其實難煽以非志雜辯

三江五湖周禮職方紀揚州之域川三江浸五湖歷
來諸說不一鄭康成謂江左合漢為北江

右合彭蠡為南江而岷江居其中則為中江故書
稱東為中江其說近是禹貢蔡傳專主庾仲初吳

都賦注以婁江東江松江為三江然統言全揚不
 宜專舉吳淞且經文明言中江北江何反棄之不
 錄至前志云江入揚境蕪湖為中江南徐潤州今
 鎮江為北江姑孰在蕪湖北為中江無疑此說更
 與經文乘舛不可從若五湖則何氏曰彭蠡洞庭
 巢太湖鑑湖也又諸家多專指五湖即太湖者但
 具區既稱藪矣不應復兼浸且何氏雜入荆之洞
 庭尤非至圖經舉貢游胥梅梁金鼎為五史記正
 義以遊莫貢陵胥為五似與范蠡所謂與我爭三
 江五湖之利及虞翻引春秋戰於五湖謂在笠澤
 間者合然指五湖在吳越之間不及槩核全揚之
 境矣若於揚舉其最大者則豫章之彭蠡鑑湖廬
 之巢淮南之射陽皖之南湖皆奇袤數百里若姑
 孰之丹陽湖雖在闔邑足稱巨浸尚未可與前數
 者方駕並驅用備五湖之一也又應劭以范蠡出
 三江入五湖謂五湖在蕪湖按國語云浮海出齊
 浮於五湖莫知其終極史記蠡傳云浮海出齊
 若五湖在蕪湖是與楚為界非扁舟適齊之道即

曰江可入海舍笠澤之近便派流而
 上再沿江而下作此迂折非情理矣

湖陰非地名

晉武帝太康二年於丹陽郡置于湖縣
 地在今當蕪二縣之間元帝徵行至于

湖陰察王敦營壘而還蓋言潛察其營也温岐卿
 誤讀史句不審于湖為縣名以陰字連湖字作湖
 陰曲王荆公姑孰道中詩因有
 不似湖陰有早梅之句俱誤

南州即姑孰

晉都建康以京口為北府以歷陽為西
 府姑孰為南州宋孝武帝建元南

郡王義宣至鵲頭柳元景進屯姑孰垣護之傳作南
 州蓋南州即姑孰宋白續通典曰桓元居南州以
 在國南故曰南州載之宣城之下彼獨不見晉書
 云桓元於南州起齋號曰盤龍齋蓋元於誅司馬
 元顯後出鎮姑孰遂起是齋故劉毅以豫州刺史
 出鎮姑孰正居是齋毅小字盤龍人以爲識是晉
 書正指姑孰孰為南州而宋白置之宣州之下誤矣

凌歊臺不建自宋高祖劉子澄曰凌歊臺館見紀錄及詩文非一或曰宋孝武帝

大明七年建或曰宋高祖武帝也近代鍾將之作

古風既稱孝武及作絕句又稱寄奴亦自為異然

傳亮九日登凌歊館嘗有賦矣亮佐宋祖創業文

帝時被誅若凌歊創於大明中則此時亮死久矣

何從作耶今臺館蕪廢規模無所考許渾所謂古

碑者不復可識矣以記與詩驗之當時建置蓋甚

宏偉宋祖老兵間凶凶在位不盈三載生平居處

儉素遊宴甚稀所居陰室孝武以田舍翁詆之則

離宮別館之巨麗必不遑暇竊謂宋祖往來南豫

必在未陟位之前頓兵望形勢遂登茲山其初臺

館必甚草創故亮賦止以孤館言可見一時憇芟

之所爾孝武大明五年至七年三幸南豫太后在

此妃主以下景從此豈田舍翁草草舊館所能容

哉史稱孝武始大脩宮室土木被文繡壞陰室起

玉燭殿則黃山建館亦必稱之撤湫隘而敞高華

在孝武時無疑矣然則亮所賦者宗祖舊規後來

所夸則孝武增益者耳作法於儉其敝猶奢

曾謂蕭何令後世無以加之語果足訓耶

東晉僑置當塗隋更置當塗非一地晉元於江左僑

流民後遂為實縣在于湖之南連今南陵涇石等

縣地隋廢其地入宣城而併淮南郡于湖等縣于

丹陽南境加舊名於新邑而姑孰之當塗始立焉

按隋志蔣州屬下當塗為第二縣注云舊置淮南

郡平陳廢郡并襄垣于湖繁昌西鄉入焉有天門

山楚山宣城為宣州第一縣注云宛陵置宣城郡

當塗縣志

卷之三十三

雜辯

三

皇平陳即置治姑孰之當塗因廢在南陵之當塗
入宣城瞭如也一廢一置如數黑白何庸妄辨

丹陽湖受宣歙水

舊志丹陽湖匯宣歙水廣德諸

湖而不入湖者非考宋開慶二年禁路西湖不得
圍田劄子立碑青山之麓云路西湖乃宣歙二縣
洩水之地如圍田成圩不獨二郡受害即當塗五
十四圩亦有衝沒之患禁止勢家不得違禁圍田
按此則丹陽湖乃受水之區路西湖正傳洩之處
水先到丹陽而後經黃池而注於路西故禁圍田
使水有宣洩蓋當塗地勢西高東下時未成東壩
清水河入蕪湖境桐水自廣德來必不西流向黃
池自宜先入丹湖之最下處全力直赴三吳分支
乃西入姑溪及蕪湖河其流亦比今為微細所以
宋可跨溪而城也惟東壩既成趨吳東下者點滴
皆并而西客水未至而湖中主水先滿故清水河
遂不復入湖試問今日溪河湍急濶大何以可仍
跨以城否奈何執今日全向西之水以律曩日遂

謂宣歙之水西由蕪湖入江丹湖不及受也不論
時不度勢身又未出門闥而謬執拘墟之見其何
辭夫扣槃捫燭之見也夫

丹陽湖不與徽寧池廣界

丹陽湖當塗巨浸也舊志

多福黃池積善湖陽等鄉而徽池寧國廣德諸州
隣於本府者皆以湖心為界夫丹陽與石臼相連
而丹陽全屬當塗至石臼則半屬當塗半屬高淳
溧水固城則全屬高淳明於三湖設河泊所四日
新溝所曰葛家所則屬高淳此疆彼界亦較著矣彼
水曰牛耳港所則屬高淳此疆彼界亦較著矣彼
宣歙之水滙於丹湖丹湖受宣歙之水則有之矣
而謂徽寧與當塗於湖心分界何言之不經也况
池州廣德又其風馬牛不及者乎尤異者明嘉靖
間太僕寺欲以其高淳馬分俵宣民宣城舉人貢汝
成上書劉太僕其許淳民云其澤則有丹陽湖等湖
夫丹陽當塗之湖也李白姑孰十詠丹陽湖居其

一何得舉而屬之高淳又曰田則有湖陽等鄉湖陽當塗十四鄉內之一鄉也高淳故無湖陽鄉汝成第知高淳之濱湖乃未諳疆域而漫然言之且載之宣志閱志者未及深考寧不為之目眩而心疑哉是烏可不辯

諸葛恢非丹陽令

按晉書恢初試即邱長轉臨近令後元帝為安東將軍以恢為主簿

再遷江寧令討周馥有功封博陵亭侯遷從事中郎兼統記室愍帝召恢為尚書郎元帝疏留之承制調為會稽太守大興初以政績第一詔增秩中二千石丁母憂服闋拜中書令王敦兵至蕪湖上恢為丹陽尹以久疾免明帝以恢為侍中加奉車都尉討王含有功進封建安伯又拜恢後將軍會稽內史徵為侍中遷左民尚書武陵王師吏部尚書累遷尚書右僕射加散騎常侍銀青光祿大夫成帝踐阼加侍中金紫光祿大夫恢始終官階具於此未聞為丹陽令也惟南畿志誤以恢為丹陽

令然注於討周馥後則尹訛為令乃傳寫者之誤非志誤也

東田不在姑孰

東田在鍾山麓沈約遷尚書令名譽雖隆重而居處儉素立宅東田矚望

郊阜嘗為郊居賦以序其事又齊文惠太子嘗出東田觀獲顧謂眾賓曰刈此亦殊可觀唐韓翃送冷朝陽還上元詩有云別後依依寒食裏共君攜手在東田則東田不在姑孰可知矣謝朓東田詩有不對芳春酒還望青山郭之句三書收入圖繪且註云水東有謝家莊舊註為鍾山之東非也而辯之者又引名山志註以為在中山之東謝宅之前今梅塘圩即其處按梅塘圩在姑孰鄉有梅塘南圩梅塘北圩梅塘中圩梅塘上圩梅塘下圩中有所謂東田乎名山註果不誤乎

路西湖龍公墩

蘇東坡昭靈侯廟碑云南陽張公諱

中為宣城令以才能稱自宣城罷令歸常釣於焦氏臺之陰顧見釣處宮室樓臺送入居之夫人石

氏生九子至是公語夫人曰我乃龍也蓼人鄭祥遠亦龍也與我爭此居明日當戰使九子助我領有白綃者我青綃者鄭也明日九子射中青綃者公逐之去所過皆為溪谷而達於淮九子皆化為龍以去歐陽文忠集古錄亦載其事信斯言也則祥遠爭居九子助戰蓋在罷令歸穎後矣方其令宣城則猶然人也而路西湖在唐時猶未為湖安得譌路斯為路西而指湖內之敦為龍公敦以欺世哉又按歐公集古錄及東坡昭靈廟碑俱抄史記註中李冰事恐皆是荒渺無稽無如好事者又妄為傳會也

備遺 附

建置

甬城

高平

下邳

齊武帝永明八年省三縣併于湖南齊書州郡志載此

文於于湖縣下其三縣建置地界俱無考

祥異

慶氏婦

劉敬叔異苑曰丹陽縣慶氏婦生一男一女一虎一狸虎狸毛色斑黑爪牙皆備慶

殺之無他○前志於此下有搜神後記淮南鹿怪一事按淮南非此地刪之 旱魃 梁太

年丹陽莫氏妻生男眼在頂上大如兩歲兒墮地即言曰見是早疫鬼母可急作絳帽故當無憂母

不暇作帽以絳繫髮自是早疫者二年楊徐充豫尤甚莫氏鄉鄰多以絳免他處效之無驗○前志

於此下記甘卓變怪按卓之明高帝舟 高帝初渡將襲王敦事在襄陽刪之 明高帝舟 江至采石

柁後鼓上有 陳媪夢 明高帝至姑孰舍於陳氏家一龜一蛇 馬皇后誕懿文陳媪夢天上

龍見雲光爛然明日具非根盤金盃賀曰太子生姑孰俗賀生子以非根盤取根源長久之意也

水怪 嘉靖十九年牛渚磯下水沸湧出十字圩異

雷 圩民魏知名暮渡遇雨舟在對岸正皇遽間忽

泊岸遂出囊中糶穀金薄償之操舟疑其橐富也

反盪之中流知名雖疾呼然暮雨絕無行舟遂禡

其衣繩其肘布勒其口眼奪銀去棄知名木中知

名脫去繩布泳游出岸時已漏下且無衣又距家

二十里不得歸見小室燈光投之室中婦姑二人

知名語以故欲納知名知名曰身無衣不敢入乞

假做裙蔽體姑命婦擲青衫與之上歸取婦衣出質

知名曰三日當謝兼還衣明日子歸取婦衣出質

婦告之故不信母言之亦不信遂捶其婦坐以有

私婦自經死又明日知名擔雞豚挾衣至其夫挺

擊之幾殞知名曰爾婦因我死我豈避禍耶然我

即死汝無益我有婦年將三十即與爾不則我尚

有田四十餘畝售價償爾再娶費爾惟爾命隣人

議與銀十二兩知名曰我實蒙汝婦活命恩汝誣

致其死欲與汝對天誓訴銀不少吝拜訴未畢空

中片雲起即虢虢有聲俄而轟然震從空墜落二

人一人手握銀則操舟者一為縊死吳家潭龍鬪

婦已復甦時崇禎十四年夏四月也

康熙二十四年丹陽湖二龍起相鬪至吳家潭倏

一龍距地不數尺如壓房屋上色正白光閃燦鱗

甲俱可數氣寒噤人腥不可當忽起附近民六出

屋有吸起空中遠四五里墜常稔圩中者六出

桂湖陽徐文靖於康熙丁酉植桂二株花皆六出

靖檢唐張子韶憶天竺三月桂詩黃英六出非凡

種肯許天香過別州自注云天竺桂花六出他州

無本因命兒春樞紀以詩云月中仙樹豈尋常歲

歲秋風壓眾芳六出由來橫望山蛟康熙五十八

誇白雪何如金粟擅天香

日夜忽雷電交作大雨如注橫望山東西共發蛟

四十餘處田禾民屋橋梁淹沒傾圮不計其數

疆域形勢

采石軍置罷始末 唐肅宗乾元二年置采石軍德宗建中元年罷宣歙團練使復置采石軍使二年江南都團練使韓滉以盧復為采石軍使增營壘習長兵毀鐘鑄軍器興元十三年以采石軍助韓全義討吳少誠於蔡州憲宗元和五年以河南尹房式為刺史兼采石軍六年吏部奏准勅采石防禦 宋李世榮團練使東南正將罷采石軍 駐劄太平州防禦采石江面

戰蹟

陳淬 莆田人宋高祖建炎初官統制與金人戰采石勢窮大罵刃交於胸色不變與從子仲敏俱戰死詔贈桑世傑 魚洲鐵長官朱寨取太平擒明州觀察使 乙未從高帝渡江下采石定太平也先陳也 湯和 復來寇和擊其水軍矢中左臂不為撓先 與中山寧河二王自東門出甲 廖永安 巢縣人乙轉戰至城北大破擒也先以獻 未六月朔

引舟從高帝渡江舉帆直前向牛渚頃刻及岸守者大駭出兵來拒上麾甲者以進敵不及支即走諸軍奮擊遂拔之乘勝竟克 太平蠻子海牙僅以身遁

山川 井泉附

大靈山虎嘯峰 明高帝同法秀於山頂談笑終日賜名曰虎嘯峰以前此有虎踞地

秀以杖擊之虎伏尾而去也

異井 當塗城南三十里有古井在大澤中甚深汲者用纜二十餘尺當春夏水盛時澤水幾浸

沒其床而內水之深如故

坊巷

鄭曜修砌官路 當塗介金陵蕪湖中初上下官路未甃磚石值陰雨往來行人苦泥

淳萬歷七年同知龍宗武墁以石功幾半萬歷末
巡按田生金捐俸修砌亦未竣而罷徽人鄭曜慨
然捐貲下接銅井上至蕪湖百二十餘里修其貞
圯廢發其泥淖工未竟其子失名復代父終之
節坊 為張齊妻朱氏
立在湖熟門外

塘田

黃池廣教寺讐塘

近稱稠塘相傳為漆提舉宅漆
為勢家陷害族而瀦其地土人

以其死于讐也日之曰讐塘嘉靖間有避倭蘆茨
中者被殺數十人天暑浥爛臭達遠近遂訛其名
日臭塘塘中蓮藕甚佳舊充貢後裁去寺有推官
胡永順碑載其塘水利一以供餽粥一以修殿寺
不得私為索利今 尚書塘 在城北以明巡撫周忱
此塘已非僧有矣 尚書塘 所瀦得名忱以工部左
侍郎節制南畿陞尚 德清道庵官田 明萬歷間知
書致政故稱尚書云

禱雨雷神獲應捐俸買民錢九臯寧國埧田伍拾
畝又民胡璽願捨濮家圩田亦伍拾畝於德清菴
俾收租穀一備辦香燈一延接羽客外又有山地
數坵布政梅淳合記有碑在大殿左簷下後濮家
圩壞田沒江已告崩坍免稅糧其寧國埧固良礮
產也前宦因民而致力於神之意不可泯云

塘庵田

明高帝賜
田 畝

公署

旌善亭申明亭

洪武間令各鄉都開設二
亭共二百三處今俱廢 牧馬瓦

廠房

共一千一百七十一間在城
外黃山五里見永樂志今廢 喻家鋪 在縣北

店頭鋪

在縣北 陶庄鋪 在縣北三十里以上三鋪
皆當塗知縣呂愷設今省

職官

南洲津校尉

梁普通七年置

郭深祖

普通七年任

江子一

大同元年

任知雄遠軍事鍾美

以右贊善大夫知

李翰

以殿中丞知

判官

楊倫道

以贊善大夫判

魏羽

以太子家令判

後降宋以上四人俱南唐官

名宦

晉羅含

字君章桂陽耒陽人幼夢文鳥飛入口藻思日新與謝尚為方外之好歷征西將軍

桓温辟為別駕以官解喧擾立茅屋城西小洲上織葦為席以居布衣蔬食晏然而足温嘗譙僚屬

含後至問眾坐曰此何如人或曰可謂荆楚之材温曰此自江左之秀豈惟荆楚而已累遷散騎常

侍侍中轉廷尉

選舉

內前志所已載者十八人今補載者十七人

唐谷太一

字天民有武畧以征蜀功為唐都尉守建康

宋郭聰正

維子與弟祥正同慶歷間進士夏宗文

建炎三年授太平州守

李

桐紹興二十八年任李觀察使

李玠

郭師尹

寧宗時人

祥正裔由鄉貢官潮州通判

元李慶祖

承節郎監江州酒稅

喻汝政

字正卿仲衡父江西提舉司

李子章

前至元十七年蕪湖訓導與張桂協力修學

唐省三

國子監助教

唐敬可

兵馬

指夏廷瑞湖陽人天歷間以賢良方

唐大年

以人任

龍溪唐承年泉州府知事

夏誠

字成可湖陽人至正間任理問

縣令唐承年泉州府知事

夏誠

字成可湖陽人至正間任理問

明夏

耿

湖陽人字友直洪武初畚禹縣令

門時中

洪武中崇仁知縣出身無考

阮竹友

永樂間官知府何仲楫

永樂間欽天監保章正

信元

洪武中

陟縣

邵博

正統貢士

邵博

正德中官

字左川

范祖

字孝先堂子以賢才舉官至雲南布政

李洙

字宗泰任

任學正

詹恩

開封訓導陞唐府長史

詹萬里

由鄉貢士

官遷宿州知州

徐鎮

字時安

萬歷中陝西任唐府紀善

杭有德

遂家南陽

周珊

漢陽府訓導陞河南崇王

萬歷間樂清縣

典史署縣事

授府教

徐守隆

字汝盛禮部儒士天啟元年舉賢良

徐復吉

湖陽人

勤復

唐文聘

儒士任蘭溪訓導

士工字學崇禎元年

朱尚賓

黃池人字存吾崇禎

本部請給儒官冠帶

楊永佐

岑峯羅

楊

彬

文宇山

西河州

衛經歷

武職

內補前志所未載者四人

明朱化隆

武山人明祖渡江元屯兵水陸總兵吳昇

等伏襄城橋下擒敵後隨駕南征戰鄱陽有功累

加官至都督四世孫伯讚

任彭澤縣將仕郎五世

孫永綬南昌縣丞

署縣篆

治有聲

庚

英

洪武元年隨征授帶刀

羽林操

庚

練令使

孫源

張誠

皆以建陽衛指揮

七年以武功授邵

張誠

署都司事源孝友

武衛百戶所百戶

誠老成皆雅

楊

敬學士大夫

表

建陽衛指揮使陞都

林

時

備遺

七

建陽衛指揮使陞中都留守都指揮總督京營操備

宦績

明李原勝

字盤谷有武畧兼能文從明祖領兵取江州有繡袍銀盃之賜辭歸保障鄉里人多

賴之所著詩路亨

居官廉慎寬以御民尤加意

集多豪亮

學校士民德之

善善欲長故凡有

明高璿

字廷玉嘉靖初塗民困於開墾之重賦璿以碎椽考滿赴京籲部題免布政邢珣嘉

之紀以二詩告塗人受惠而不知者

趙科

烏溪人繼母病篤割股療之母復病日雙盲科朝夕禱祝年餘母復明一日異母弟

患疽科吮之弟初待兄甚薄至是大感悟萬歷四十年學使熊廷弼獎曰孝友之門。按前志止載姓名並無事實今始據開送故列備遺

楊守經

官圩多福鄉人萬歷戊申水災破圩經捐資千金修築破岸各憲旌為義民

郭彌宏

字南岩萬歷間增廣生至省鄉試遇貧民為賊誣陷鬻妻求解宏惻然解囊贈之夜

夢神語曰汝有陰德當魁爾子壬午子有翼捷南闈任福建漳州司李

楊承祖

字行吾志存利濟施棺賑貧普行善事崇禎十四年守令薦于巡按御史獎之

李青墩

失其名教授楊圻妻父也歲貢官永嘉回通冬母病思鮮桃遍求不得禱於神至建

陽衛前遇一叟籃提數桃買回奉母病隨愈先是父病醫已不藥青墩嘗其糞始信醫言備後事一

見永嘉送行文一見沈淇親友祭文一見門人孫湘溪祭文

國朝王起煌

字德輝庠生天性肫篤父友文抱恙數月煌百計醫治無少倦怠國初遇歉

歲煌捐食米壹百石于城東給眾里黨中有貧病者咸周恤無吝

張希文

順治三年知縣張京扁獎善孝為師

唐效廉

字季介諸生工醫聘女為室而警廉不悔婚終身亦不媵

沈啟訥

字旭之周家圩人康熙初本圩常苦旱訥首捐數百金修築南陡門以時蓄洩又命

子郡庠

生博約同志捐金修府學本族子姓浩繁鐫刻宗規導人遵守歲歉隨力以貸貧者不責償

魯大治

字文木郡庠生薛鎮人事孀母至孝母有疾侍奉湯藥每忘寢食待弟友愛財產無

所較族

推為宗長訓誨子姓有法周人之急修砌橋路俱無所吝康熙甲戌舉鄉飲賓

陳綱運

歐城人妻郭氏廿五而鰥終身不娶

劉可超

貢家梁人祖母莊氏病月餘超奉侍不倦及終既葬廬墓三月

沈興隆

字爾鳴幼孤事母以孝時有族人計害其母徐氏陰圖家產興日夜哀號誓母同死

及難息孝奉孀親六十餘載未嘗有間舉鄉飲賓

趙承璜

事母以孝聞母卒廬墓三年

孫慎

博望人康熙十八年旱慎與弟恂施粥一年有斃者置地瘞之

梅隆吉

邊湖人年廿三喪妻誓不再娶鰥居四十七年

楊元春

官圩多福鄉人父病甚劇春嘗其糞父病不起哀毀骨立教子釋入泮亦能秉禮

奚承奎

字隣婁國學生行誼力追古人事八旬老母以孝待兄弟克盡友恭家無間言有義

男張姓者家資頗潤子姓多垂涎之奎獨對天焚券令其歸宗康熙三十六年舉鄉飲大賓

葛天祐

字敬修邑庠生與兄藜然析爨已三年見兄產漸耗且遺母戚心不忍遂復合爨絲

毫不較迎孀妹養于家撫兩甥如已出焉

王承基

字任遠生平慷慨每助里中貧不能娶者遇歲饑設茶粥通衢少讀書楚山著有自

草亭集子珣乾

隆庚午副榜

汪琇

字古田黃池人郡廩生事繼母最孝年五十六病篤時繼母年高以不得送終為恨

執繼母手嗚咽涕泗而歿

祖康

字天衢邑庠生明徵士雋裔志行高潔承父馨越綜理祠事康熙戊子大水祠田米

稻不足分給康自鬻產周之族無餬口四方者著有家訓一則

胡一桂

黃池人康熙四十七年大小圩破賑粥施米存活甚眾里有不能自存者陰為助給

不使人知子孫蕃且多明經登科者

洪才

字毓秀建陽衛人國學生事繼母唐氏色養備至每供饌隨所欲偶不嗾即更以進

必得其歡唐憐曹氏二外孫女早失怙恃常使依左右才撫養及奩送不啻所生鄉里以為難

陳奇瑛

字公懸輕財仗義鄉鄰親族貧乏者常周之康熙戊子大水破圩捐資築堤更買穀

助賑全活頗多子飛熊乾隆戊午科武舉人

魯之宗

釜底港人幼喪父事母孝貧而好善戊子大水有鬻妻子者宗轉貸以全之冬大雪

施薪米又置義塚掩枯骨囊雖窘終不怠子祥邑庠生

朱時美

武山人字公化性慷慨康熙四十七年鬻產糴粟以周鄰里族有欲賣妻度口者美

給資全之年七十四沐浴浴而逝

朱熊

字渭珍常稔圩人四十七年圩多壞獨常稔一圩熊竭家財以供救護者食用圩獲

全縣令成文運給匾獎之

王南之

家雖素封安於恬淡遇貧困即推解無難色為戶督族人不起訟端二十六歲喪偶

不再娶亦不置妾婢惟一老僕供朝夕子仲璟孫正文皆庠生

楊世友

字荆茂乙六裔三歲失怙事母兄盡孝友族眾蕃衍獨力捐囊重梓家譜作家訓十

則以勵族人隣里有急委曲周全康熙戊子捐棺木甚多子楚國學生桂郡庠生

陳果珮

字中玉丹陽鎮人家雖貧竭力孝養母年九十珮年亦六十餘晨夕侍側若嬰兒忽

病危泣曰安得參苓支朽骨白頭常對白頭親言訖而逝

王燦

字文宣父垣石年八十九燦亦年逾七十孝敬不衰生平嗜易善醫客含山多存濟

楊樂

字在中敦孝義與弟梧桐終身同居友愛無間梧歿視侄如子撫之成立子燮庠生

成遇

字楷等年逾弱冠並不知在堂之王母為繼也遇天姿遲鈍而讀書

攻苦康熙丙子補郡庠生

李元臣

字廷忠事親竭力父病割股入藥友愛兩弟待族黨皆有恩義康熙四十八年災疫

流行捐助貧而死者之棺

邢武芳

捐貲修葉家橋漫唐溝馬頭及路又修毘盧閣皆不吝

高志儀

字敬士七齡失怙事母未嘗拂其心以重母戚母逝克循禮疏食三年不歸寢室每

忌口必悲泣著有憂思草一集

周璵

字煥若由俊監捐州同生平樂施周急里有鬻子者代贖還不責償每遇米價騰貴

即減價以售并遺令其子行之勿替子麟郡庠生

邢貢芳 庠生需子娶夏氏早亡貢養親撫幼不避艱辛終不復娶貧有餘以周族鄰匱乏者

邢蒸 字文韓湖陽人父病百計醫禱弗效卒哭泣三年麻衣不釋事孀母盡孝鄉黨稱之

楊槎 字又騫洞陽人渾厚質實以孝友聞常恤貧乏并屢施棺木遠近稱仁厚長者

陳萬乾 字正文好義舉與兄萬繡姪英施造大溪港義渡凡拯災恤患之事多力行之郡守

李璋以朴茂可風獎焉子世珩

張璽 字懷璽國學生為人公直善排難解紛有黃王二姓因貧鬻妻解囊資之使完聚

王國灝 字子潔新溝人慷慨好施康熙戊子水破官圩多捐穀以賑鄉隣邑令給匾獎之

唐廷著 字彰明貢生唐宅圩人親族貧乏者多周其急有友庠生胡兆麟家貧早亡遺寡妻

衣食無出著篤友誼周其母子三人二十餘年以全其節鄉里義之子唯國學生

石鳳 字瑞獻郡庠生性孝母遲氏好善樂施力無不從命里中修古剎建橋梁悉慷慨力

任邑重建大成石坊鳳協辦三年并捐資弗吝焉

唐嘉杓 字煥章薛鎮人性純孝定省必衣冠盛暑無間親疾手調湯藥晝夜侍側親憐其弱

止之仍潛立戶外以力學致疾病篤泣謂其妻曰予子職未盡汝能代我職死且不朽妻陶氏遵命

請矢節現在

周潤 塘南閣人為諸生績學能文母蔣氏好施潤惟母所欲必遂其意親黨貧困者多賴

以濟子敬思貢

汪大用 黃池人敦友愛同懷弟四人奉母命析爨祖業頗豐悉以讓弟四股鬪分已毫無所

取子雲
駢庠生

居在位

湖陽人年十八

孟以虹

封股救父病
漢長事親以愛敬聞兄弟早逝無其子皆
如己出沒齒未嘗析居隣人遺所貸欲賣

妻以償虹

因焚券仍子萬邦雍

正乙卯

武舉人萬清庚午舉人

楊元榮

字異凡柱于渾厚誠實與弟元鑿等四人

於從兄弟

元辰等各捐穀入宗祠分

給族人

不費官帑縣令荆迨韓獎之

王文璜

華塘人生平慷慨多所施子嘗捐

徐小三

黃池鎮人家極貧末藝營生而事

湯允恭

尚義好施康熙戊子已丑荒疫頻仍恭給
粥施棺無數其後每年冬常施貧者衣棉

錢米以致家業

蕭條卒無怨色

鍾士道

字元雅謙和循謹生平義不苟得年
二十六鰥居不再娶惟以端方自處

黃應祥

號爾康為人鯁直有古風性亦好善每歲
暮遇貧苦不能度日者周以錢米無所吝

并命後人

務守其法

勿替子承

憲邑庠生

張交

芮家橋人謹慎篤厚家範整肅子振卿兄
弟恪遵父訓內外和睦至元孫宏等四十

餘人未嘗析居
鄉里皆高其義

文學

明崔某

失名善隸書兼熟於史學洪武間有詩
名專料穠郁音調豪發有藍田稿行世

徐文龍

號耐臣學多讐索僻性苦吟有佳句貧不
諧世嶽崑以死著郡志稿未竟小行草得

魯公法聯扁作學窠
大書尤勁健可愛

陸夢麟

字明祥以老儒留心掌故輯陸氏瑣藁一冊紀載郡邑事頗祥確本朝修郡邑二

志凡祝志所畧及肅帝以後
事蹟間取裁於麟所輯焉

國朝王

風字便朴官圩華塘人博聞強識潛心理學從遊者衆所著有天門丹湖諸語錄

及詩古文

辭行世

曹守謙

字為光江寧學增生才敏學博增修府邑志有天尺樓稿國朝名臣錄行於世

魯逢年

字蘭友邑增生薛鎮人博學好古多著述有采石山房集紅雨亭稿靈墟山志及大

禮文滙選

前後二集

曹綠禪

字因依年十三入庠胸襟高曠才思敏捷所作詩皆出自性靈惜多散佚惟兒心集

尙存
未輯

陶之鉞

字左簧官圩橫埂人邑廩生為人鯁直重然諾潔廉自好所著有四書辨疑瀆蒙草

學者稱石
田先生

唐葉封

字祿公庠生讀書以明理立品為務工翰墨年老猶沉酣書史白髮青燈漏三下不

輟九袞外筆床詩卷未嘗去側郡守李暉嘗嘆為達尊有二乾隆元年賜絹給正八品冠帶

陶一屏

字維蕩博覽羣書好學不倦而動必由禮督學孫給扁獎之

隱逸

明魯若參

字一曾官圩龍化人崇禎間處士天性敦厚事父孝父沒事兄如父律身最嚴冠履

整飭坐立必以正行不回顧門下士多化之者好讀書思力勇銳精研經史必求融貫有未晰輒沉

當塗縣志

卷之三十三

七

思竟日夜每以忠義自許見時事日非常慷慨悲歌與人交少許可獨契同里徐達乙酉丙戌間盜蜂起知二人才多屬意參乃與達匿涇縣深山中後達負其幹畧投故明某藩死于兵參為文祭之隱居終身

方伎

明唐翼真

薛鎮人幼習詩書復精岐黃診視多奇驗後著女科則要子孫永守歷今三百餘年

弗替世其業者雅存卓如紹謙皆有名

國朝祝

昭

字亮臣能詩善八分書至鑄一石彈一調圖一幅莫不稱絕遊歷所至名士大夫皆重之昭老無嗣其繼妻濮氏生女因

以贅婿陳謙之子為孫濮氏以苦節旌前志載有徐之才史春谷二人按之才

勸高洋篡逆春谷非本邑人今皆不錄

百歲翁

附

明陶景高

在城西北隅人百歲餘卒

葛興

延福鄉三十二都人百八歲卒○以上二人俱成化元

年給冠帶

王祐

貴遊鄉三畝人百一歲卒嘉靖元年給冠帶

費文

邦薛鎮人百二歲天啟元年知縣林枝橋親訪之問所頤養曰一生惟節嗜慾戒暴怒而已給扁

以霍廷芳

字近溪新溝人壽百歲崇禎十三年勅賜五朝人壽扁額生平樂道隱居林泉

自適壽一百三歲終

國朝潘子清

字光宇采石鎮人壽百二歲卒康熙二十五年知府吳延壽額其門曰百歲

列女

戴氏

前志稱孝婦而不載事實第云楊村籍先登妻故入備遺中

孫氏

邊湖人失父名啟綸姪也幼字參政祝可仕

為黃冠無終娶理氏父母欲婚他姓氏年十五託

言待二年後定夜勤紡織染青紅雜色布冬夜俟

父母寢後製男女內外上下衣二襲襪被一具密

貯笥中屆期擇日乞父母請宗長呼祝氏子來一

訣父允之子至氏抗言於眾吾不為祝氏人則為

祝氏鬼矣衣服衾綢都備惟父母宗長一決而已

眾知其必不可奪竟從其請贊祝氏子入焉○按

前志雖不載氏之此後事若何觀其立意較然卒

踐其志賢可知矣

陳氏 夏瑞芳妻孝事舅姑雍正四年歲飢氏脫簪

氏勸夫代完所欠不索償里

黨多待以舉火氏行之不倦

待旌貞女

陶氏 太湖縣訓導陶瑩女幼字建陽衛監生尹世

十六聞訃號哭欲奔喪父母不聽此終制議再字

氏以死誓乃止守貞一十八年未嘗有歡笑容雍

正三年卒

未旌節婦

皆前志所載待旌者歷今歲久無親族為之請旌亦未可沒而不彰故列

於此

劉氏

謝廷策妾年二十二生男八月而寡或諷改

年壽七

適以死誓撫子入郡庠備歷荼苦守節五十

十一年卒

張氏 吳翼中妻十九夫

茶食貧取給於十指教銓

成歲貢守節五十年卒 林氏 梅世熙妻

孫氏

諸生孔登仕妻夫病割股莫救子毓禎六歲

喪夫後芻衣蔬食數十
年如一日人皆賢之

王氏 趙邨孫 述之妻

史氏 水東夏 道韞妻

楊氏 博望周 大章妻

胡氏 博望程 思烈妻

趙氏 庠生陶 愨妻 甘貧 矢節子嘉 祉入泮

李氏 庠生朱 還雅妾 生子三 不容於 嫡外依 族叔 居雅卒 乃歸析 產三庶 子不能 當一嫡 子李

隱忍不言 嫡病痢 扶掖如 奉姑 嫡始悔 四十年 冰 操凜凜 三子俱 入泮次 午思康 熙乙丑 選拔教 習

李氏 庠生朱 德懋妻 二 十八懋 歿守節 事

知縣

翁姑克 孝撫子 入泮聘 江寧姪 女為媳 姑守志

未婚子 卒姪女 以處子 奔喪同 姑守志

林氏 高大賢 妾二十九 而寡 撫四歲 孤天申 中武舉

史氏 采石張 國泰妻 夫亡訓 子入泮

梅氏 庠生孫 捷妻 撫孤入 泮

林氏 沙潭張 一統妾 十八而 寡五

陶氏 夏宏仲 妻二十七 歲夫亡 孝 尊嫜兼 通書史 教子有 方

程氏 陸田龍 妻二十五 歲夫亡 遺八月 孤教之 餼於庠

李氏 庠生唐 暹景妻 撫六歲 孤教之 入泮 徐氏 亭頭丁 士達妻 二 十二歲 喪夫撫 子

為諸生 孫宗 閔成進 士 王氏 張名登 妾少而 孀 訓子德 溥中武 榜

戴氏 慈湖王 灝如妻 十九 夫亡教 子餼於 庠 濮氏 建陽衛 衛梁可 達妻 年十九 歲夫亡 撫

六月遺 孤教之 曹氏 貢生曹 臺望女 生 員劉前 溥妻 幼工

詩文嫻 禮範十 七子歸 念九失 偶奉庶 姑周氏 金 氏克盡 婦道教 子慶星 入泮星 貧窘益 甚氏處 之

淡然歷 節 郭氏 庠生耿 增明妻 二 十四歲 孀居苦 節

紡績撫育二子
年七十有四

趙氏 王嘉球妻十九子
歸二十一夫故氏

守節四十四
年教子成立

鄧氏 子承鼎妻二十八
而寡教子科昌成

名守節四十
六年而終

楊氏 建陽衛葉萬春妻
二十八歲守節教

育三子成立課孫流
芳入泮年七十七卒

沈氏 庠生陸
應文妻

王氏 倪必
通妻

濮陽氏 岳公
應妻

金氏 范藩
時妻

夏氏 抄山印
世恩妻

陶氏 采石北鄉
印某妻

沈氏 砂潭谷
九鳳妻

王氏 梅翰紀妻知
府吳延壽獎

籍氏 官圩徐機妻機棄
家遠出籍年二十

四紡績自活苦
節垂五十年

李氏 庠生陳
國琛妻

陳氏 奉人廸女庠生羅士瓊妻年二
十七夫亡無子守節三十三年

魯氏 郭天禧妻二十二歲孀居無子父母欲改嫁
氏堅志不從年七十有六苦節五十餘年

唐氏 楊村籍上林妻十九夫亡以幼姪繼與一婢
相依四十餘年有以豪富誘其改適者迸出

戶外不復相見知
縣張京以節孝獎 鮑氏 庠生孫知本妻二
十五歲夫亡矢志

守節十年乃立姪承祧時姪本生母尚有
子後復亡二母一子鮑悉為婚娶教誨

孫氏 洞陽楊成象妻二十夫
亡苦節三十七年卒

吳氏 湖陽邢茂節妻節客死金陵吳撫孤完娶踰
年子卒吳悲憤嘔血幾死家人慰勸立從孫

繼夫後歷五十
餘年以節終 邵氏 烏溪趙日章妻封
股救夫不起年二

十一立姪繼夫
後苦節五十年 于氏 潘文蔚妻二十四
歲夫亡無子撫姪

為嗣族人有利其產者欲奪其子冀奪氏志氏矢志靡他苦節三十餘年而卒

蔡氏 邵琚妻十九夫亡產遺腹男里中慕其少艾不惜重貲謀娶蔡益勵冰操撫兒終老

夏氏 博望鎮程鵬翰妻二十二歲夫亡博望鎮程鵬翰妻二十二歲夫亡

沈氏 雙溝鈕冲斗妻二十二夫死於兵氏方孕鄰里知其賢能幸無嗣或可圖沈不言閱四月

生子沈日即無男亦無他腸矧天贊我乎苦節五十餘年卒

殷氏 亭頭沈載道妻十九適道道先瘵疾竭簪珥延醫不救二十四而孀越五月舉子銜悲教

之姑病刲股和藥以節孝稱李氏 朱得修妻二十六夫弱於江閱四月

產孤教之入泮倪氏 唐運燁妻二十七夫亡三月後生子

業以給饘粥苦節三十年柯氏 建陽衛韋明臣妻

生子縉 楊氏 徐世德妻 蘇氏 楊蔡妻 林氏 李之

入武庠 辛氏 楊麟 丁氏 雙溝鈕 邢氏 湖陽芮養度妻年

供姑子毅然孫育 朱氏 砂潭張 徐氏 沙堰廩生章成

成育著昔庠生 徐氏 錦妻撫孤成立 倪氏 朱文璿妻父翁皆

薛氏 張大履妻 吳氏 潘仲禎妻二十六歲夫亡守節五十

張氏 廩生王 倪氏 席生二十二歲夫 依母家作活 吳氏 歲夫亡守節五十

年一子生道甚 張氏 采石徐起榮妻少 微日多不再食 張氏 孀撫子盡瘁張以

壽終子歲時伏臘 周氏 盛恪妻二十四夫 墓祭奉物如生時 周氏 亡長子三齡次遺

腹姑已孀四十年周引子奉姑博其歡心後了 克成立孫以下有儀於庠者池太道周體觀獎

趙氏 戴守謙妻十九夫亡年八十四知府張文學獎

邢氏 楊邨籍 汪氏 籍上妻二婦姑媳也邢念二聘妻 夫亡撫孤上妻妻念四復卒時

汪年念三遺孤週歲兩代清操 知府黃桂以節孝聯芳褒之

呂氏 采石張臣妻知 倪氏 耿揚名妻念一夫府吳延壽獎 亡撫孤養姑送死

鈕氏 亭頭丁大聘妻聘病再割股和藥聘卒子週歲鈕方二旬奉姑鞠子諸艱備歷七十六卒

徐氏 官圩橫埂張治維妻姑病割股和藥越二載姑逝夫病復割股救夫不起時氏年二十二

遺孤未週冰 顧氏 博望庠生孫承運操五十載卒 繼妻十九夫亡艱

辛萬狀終不變 李氏 亭頭殷仲禮妻二十志年七十五卒 橫埂徐成賢妻年

有母儀 李氏 二十夫溺死撫二可風

子成立葬翁姑成禮足 劉氏 雙溝丁士端妻二不踰戶外四十餘年卒 十七歲夫亡割股

愈翁疾紡績育幼孤課 石氏 橫山王村夏子法子讀書砥行鄉里重之 妻十九夫遭兵死

封髮破容以誓不 郭氏 丁尚遊妻二十九二守四十餘年卒 夫亡子週歲撫之

子亡又撫孫 宋氏 孫一冕妻父母勸苦節六十年 改適卽絕歸寧茹

蔬終身 姚氏 伏龍橋陳景星妻

撫孤 陶氏 張岳望妻二十四成立 歲孀居壽八十四

卒撫孫府通 李氏 黃池張昌翼妻十判張鼎昌獎 九夫亡衣食不敷

撫週歲孤生孫子 于氏 沙潭張大蛟妻二又亡五十七歲卒 十一歲孀居撫三

歲孤紡 張氏 汪雲虬妻二十一年績度日 而孀守節五十年

錢氏 八圩雁頭村吳中瓚妻二十三歲夫亡

劉氏 建陽衛指揮蘇燦妻順治五年江西金逆叛燦領運死於兵不知屍所劉斷髮撫孤終身

茹素後嗣絕 徐氏 建陽衛楊霆妻二里人憐之 十三夫亡奉姑克

孝清操茹苦鄉里 張氏 邑庠生朱紱妻紱無間言以壽終 早逝氏教子讀書

長名悻次名懷皆入 邢氏 注三桂妻二十三縣庠守節三十餘年 喪偶撫幼孤苦節

于氏 邑庠生宋璉妻十 六年 六于歸值璉貧窘

氏紡績內助二十歲孀居子方襁 祿氏 栢舟自矢五十七歲而終 趙氏 克盡孝養姑

張氏 楊復泰妻泰早逝氏奉姑 離苦節二十餘年 病痿氏朝夕扶掖無頃刻 李玥妻年二十孀

許尊五妻念五喪 夏氏 居守節三十六年 衛氏 偶守節三十九年

李氏 金永斗妻念四喪 闕氏 朱文輝妻二十八 偶苦節四十載 歲守節撫子課孫

之瑚成立壽 闕氏 廩生唐行孚妾年 八十七終 十九隨嫡守節撫

孤茹茶飲藥數 端氏 建陽衛 宋翼妻 十年如一日

楊氏 于昌恒妻二十九夫亡妾夏氏有子氏 已出妾年念一同矢栢舟歷節三十三年

吳氏 林起鶴妻二十六歲孀居 守節二十八撫孤成立

朱氏 謝環妻二十九喪 程氏 楊梅瑞妻念七喪 夫守節三十載 偶守節四十一年

謝氏 沈季恒妻十九夫亡子恂方在 襁保撫育成立守節三十餘年

李氏 唐子瞻妻二十四 李氏 庠生周凝福妻年 夫亡守節四十年 二十餘孀居無子

或有勸其易志者氏毀容 陶氏 唐之璜妻二十三 謝絕茹荼守節數十年 歲孀居守節五十

首金系志 卷之三十一 備遺 三

二年子三次子容
丁卯科武舉人

唐氏 鍾士謙妻十九夫
亡翁欲命氏改醮

氏泣誓不從紡績度日艱難畢歷
教子超宗入泮苦節三十餘年

湯氏 谷鳴鶴妻二十七守節至六
十三歲終孫傑考授州同

邵氏 州同張應運妻二十三歲夫亡氏持家勤
儉嚴以訓子三十餘年足跡不履闔外

馮氏 黃某妻年二十五夫亡守節四十餘年教子
敘典成立不幸又亡氏與媳矢志栢舟延師

訓課闢 曹氏 官圩徐廷玉妻夫
範可風 死叔逼之改嫁氏

矢志靡他率幼子佃田數畝常竟日
不舉火採野菜為食茹荼四十餘年

陶氏 洞陽楊璉瑞妻二十七夫
亡守節年至九十餘歲

戴氏 楊珪瑞妻年二十八李氏 生員胡希聖妻孝
夫亡守節四十五年 事舅姑壺範可為

內楷

父欲奪其志氏誓栢舟
立姪苦守三十餘年

楊氏 常稔埤唐萬鐸妻
二十二歲喪偶氏

舟足不越闔親操家政教子黃禎成立考授州
同守節四十年如一日壺範為鄉閭矜式焉

趙氏 葛振先妻二十五歲守節教子
尚俊入學食餼年終七十三歲

楊氏 官圩周天球妻念五夫亡苦節自矢撫
一子繼亡又堅志撫孤冰操五十餘年

趙氏 官圩楊起暹妻念三夫亡幼子中歿氏
誓不再適紡績度日守節五十餘年

周氏 儒童曹維楠妻二十九歲夫
亡氏撫孤守節三十四年

楊氏 生員王之媛妻念二孀居栢舟自矢訓子國
槐入泮國槐環堵蕭然氏織紉以資膏火壽

七十 尹氏 官圩吳益生妻年
八終 十九夫亡氏自甘

貧苦撫子成立
守節五十七年

袁氏 官圩楊建春妻年二十四夫亡氏赤

貧守節四十年

芮氏 孫學傑妻年二十六夫亡家甚貧堅

志自守

楊氏 陳其道妻二十二守節至七十乃終

其事見於推官張居斷案云終身苦節之死靡他
栢舟清操人所嘉獎知縣張京又斷云楊氏空房
聞烏誓堅斷腕止焚焚一女甘苦相依則其人可
知矣蓋因族人利其絕產訟之府縣故事介兩朝

判斷一轍云

樊氏 黃池汪道源妻

謝氏

慈湖鄉邵璉妻十九而寡撫五月孤積
一生憂泣至五十八歲病乳崑數歲卒

王氏

化洽鄉周德先妻未三十而寡二子皆幼矢
志不嫁身業豆腐博升合哺子自噉腐渣及

焦皮充腸免死而已撫子長習
操舟業氏猶縵年七十餘

杭氏

化洽鄉陶某妻少而寡日間操切家政夜置
驢磨一具身親推挨至倦卽和衣睡人怪問

之氏泣答曰寡婦不可安享逸樂故刻苦以自克
耳又一婦佚其姓名少寡每佚思忽動卽引剪刀

自刺其肱著板壁令其痛楚潰宮茂年如是者三
二婦皆得以完節終雖勉強守義而守定真存之

亦足起人矜式云

孫氏 徐恩妻

曹氏

徐達之妻二十夫亡孤方週歲有富者慕其
色百計誑之曹拒愈峻踰年誑者死曹每舉

以勵姻戚之貧而寡者

陳氏 熊守業妻十九夫
亡苦節。自芮氏

以下九人前志原列備遺

徐氏 彭文甫妻念一夫
亡苦節三十餘年

附

袁氏

魯志儀妻年二十五夫亡立姪爲嗣據其元
孫魯克純稟稱康熙四十二年奉旌按前志

于康熙四十六年經前縣成令將人物列女俱行續補所載待旌節孝最多其時現旌之節婦何以反遺今又無卷可稽殊難憑信但既據呈稟姑列之備遺

陵墓

晉范康墓

世說康父汪守吳興嘗省桓温時汪族高望重温虚心景慕擬陟之清華及至温深

謝來情注懼損時望但日兒亡瘞此故來省唐尉視無他也温意頓廢亡兒即康也寧之弟

遲演墓

敬德裔咸通十二年八月葬橫山之南碑誌尙存宋公主墳南渡

失主名降楊氏今洞陽楊其夏六判墓在湖陽鄉後裔也墳在洞陽大道傍元張飛卿墓

代名俱無考今按湖陽夏誠曾任雲南錄判疑即此但錄判訛六判耳

在翠螺山飛卿鎮采石殉難葬此

雜記

漢魏朗

字少英會稽上虞人入後之一累官尙書靈帝時以黨被急徵行至牛渚自殺梁王

僧孺有牛渚憶魏少英詩晉袁宏補贊桓彝宏作明謝理有采石弔魏朗賦

賦不及桓彝伏滔與宏善苦諫之笑而不答後宏爲温記室召游青山引宏同載衆危之問宏曰東

征賦多稱先賢何故不及家君宏曰尊公稱謂非下官所敢專故不敢顯之温問何辭宏即答云風

鑒朗散或搜或引身雖可亡道不可隕宣城之節信義爲允温問之泣然而止王弘之不

送殷仲文

仲文還姑熟祖送頽朝桓謙要弘之同行弘之日

殷風馬不接陳達牛渚會太守成歷陽都下諸人無緣護送

共要至牛渚會陳理既任人欲共言折陳以如意杜頽望雞籠山歎日孫伯符志業不遂於是竟坐

不得千字文 梁武帝教諸王書令殷鐵石於王右

談紙雜碎無緒因召周興嗣謂曰卿有才思為我韻

之典嗣一夕編次進上髮髮皆白而賞錫甚厚

徐崧買田姑孰 徐勉戒子崧書曰聞汝所買姑孰

田地甚為易鹵彌復何安孔子曰

居家理治可移于官既已營之宜使成立進退兩

亡更貽耻笑若有所收穫汝可自分贍內外大小

宜令得所非吾所知又復應沽之諸女耳汝既居

長故有此及凡為人所知又復應沽之諸女耳汝既居

人死間言先物 韓幹畫馬 秦淮海曰余去宣州宿

後已乃為可貴 州時於中元水府廟見韓幹畫馬一幅愛之乃命

工摹一本留廟中攜去其真者方下船風濤大作

幾不免唐公大恐 魚貼舟漏 紹興五年春江西安

亟還之禱祠而去 豫章米綱往金陵抵蕪湖一千斛舟忽夜漏林謁

龍祠禱盡徙出非倉卒可辦下七闌次第十舟七

船願神昭告得第二闌未及搬漏竟止三日晚至

采石復漏乃集眾如神卜起第二船船空見底板

脫一節有一小魚當漏處帖帖 不聽子代父刑 武洪

如遮護然已腐沐神賜大矣 太平府當塗縣民失名

也賜田上價明高帝賜禪塘庵田六十九畝丈入官賣價訖知縣張京價三畝施作香

燈費用見湖陽鄉舊名剪刀肢俗名徐樓臺當塗外科

存本庵世治癰書樓臺於門為標記至其孫大貢承其業

深木蠟山富人江舜明以腎疽來治徐索謝三百

金一日痛甚徐曰法當潰以針刺其瘡裏藥紙如

鐵線長五寸插竅中痛不可忍斗漸高徐曰當以

銀二十兩拔線其子江源怒曰謝約不薄矣何

刁措如是徐必取足族人謂源毋惜此與其半時

捩入多時拔出如湧泉死不數月徐得病但叫

舜明打我我固不是汝子亦大吝也遂死子從母

嫁醫王敦見刁元王敦枉害刁元敦還姑孰白日

遂絕目乃入攝敦敦大怖桓溫拜簡文陵溫從南州拜

赴不得脫數日遂死桓溫拜簡文陵簡文帝陵左

右覺其有異既登車還謂從者曰適明見先帝不

述其故人莫知者但見將拜時頻言臣不敢而已

桓又問左右殷涓形貌答言涓短肥黑色桓曰涓

繼母虐前妻子城中喻姓者繼室生四子虐前妻

魁梧無何亦相繼死止餘一毆毆匿銀兩報西街楊

母忤逆者繼母歿幾無棺歛焉姓出數

百金為市肆金某者以身勤事不傭而侶矣楊悉

委之金乾沒幾半一日又匿銀半錠鹽蔑中向火

露出為楊所覲楊遂於瘟廟清子母覈羸縮金謀

之劉屠饋之五十金劉為置酒欸楊醉筭時將帳

簿去金多支者十餘葉以眩楊楊貧而金富矣楊

猶有素封虛名劉以相契不券而假楊百金不踰

年街牌坊朽劉仰面視之遂坐地不起掖至家竟

斃楊假銀以無券無中竟不能取是劉得五十而

償楊以百矣又數年楊尚存窶崔會有遊方僧兩

子孫數人金則人財兩盡矣宿黃山東嶽

廟角間漏三下見多人擁衛入帶人犯數十輩一

人鎖僧宿處柱前旗標於背書犯人崔會次日僧

入城遍問崔會姓名有老人答曰有崔會者專以
 賣訪傾人今死久矣按崔會為朱汝鰲所除見朱
 傳夫惠迪從逆吉凶載在聖謨餘慶餘殃易訓積
 之善不善然則果報不起於二氏也君子燭於幾
 先世俗監於已往舉義理告之彼若授藥老人
 罔聞知也明言禍福得無怵惕乎
 乙酉年采石卞成德以足疾入城就醫至北門遇
 修髯老叟袖出丸數升云服之十五月愈歸服如
 期愈又勉其
 力學後入泮

富塗縣志卷之三十三終

